

之支那事變

續編



第 二 世 紀
大 戰 方 大



次 二 界 大 戰

詩 事

圖書館 教育部 藏



808.19
六月



敬贈

緒言

茲篇寫於本年暑假，常在酷熱與警報中，心緒不寧，絕少佳句，可供讀者賞玩。但其動機，固未計及文字之工拙，以快閱者之心情，欲藉記述大戰因果，減少人類將來之不幸；故於國際情形，政變經過，科學進步，及人類報復行爲之痛苦，再三致意焉。


前年暑期，妙中戰工團，以余曾主湖南抗敵會事，特集予所撰之抗戰詩文數百篇付梓，署曰「血潮」，當以事關抗戰，未敢藏拙。旋有懲憲寫大戰紀事詩者，因校務繁忙，有志未逮。然念我國四年苦戰，全爲世界正義，民族生存而奮鬥；惜當日友邦未能重視，乃釀成今日厲階，以致浩劫重來。迄今各國賢達，方有同情之感；可知中日戰爭，實第二次世界大戰之一環。寫世界大戰紀事詩，以反映我國抗戰之真相，誰曰不宜。第以大戰範圍，日形廣闊，着筆之際，難點叢生：

一、各國詩歌多分抒情，敘事，劇詩三體；其紀事詩甚多，如荷馬所著之依里亞特詩，達一萬五千句之長；我國詩歌則多偏於抒情，其詠史詩甚少，紀事詩歌常入傳奇小說之列，前例不多。其難一也。

二、外國人名地名，併音冗長，而詩歌則囿於文字音調，不易插入，近人詩中，如梁任公之「二萬萬人齊下拜，女權先到火奴奴。」譚畏公之「惟有多情南海月，隨君直到莫斯科。」其造句已極自然，尚不免有誇其生硬不典雅者，余亦無法避免此種困難。其難二也。

三、現在戰爭，正當猛烈前進中。最近日本南進，太平洋岸之形勢，大非昔比。吾人管窺蠡測，太不完全。其難三也。

有此三難，故擱筆者屢矣。但以友朋之督促，及良心之驅使，不敢自諉，爰搜集中外書報數百種，依照時序，分別吟咏，將關我國抗戰諸詩已入血潮集者，盡行刪削，雖大戰萬端，缺漏滋多；然有志青年，求知心切，手此一卷，依次吟哦，未嘗無一得之益。孔子論誦詩期達於授政，自詩教侵衰，深入人心者，苦少工具，是茲篇之作，縱不免舉一漏萬之譏，而於國難世刼中，或亦可爲青年學行之一助耳。至如何搜羅史實，繼續編詠；如何加繪戰地圖片，譯成異國文字，以增完美，皆爲著者之期望，請俟諸異日。



影 近 者 著

第一次世界大戰紀事詩

重刊史料

舉世干戈血跡存，不堪舊夢又重溫，卅年大變原天道，却怕循環見淚痕。

其二

古戰場中骨似山，生還幾許鬢先斑，重來浩刦憑誰說，歷史尋求有往還。

從一九一四年前德皇威廉第二想征服全世界，引起第一次世界大戰，遭遇協約國堅強抵抗，德國失敗了；到一九一八年協約國承認與德國休戰，第一次大戰就是在是年十一月十一日停止。苦戰四年三月有餘，雙方動員士兵六千萬人，其中因戰爭死亡者達八百萬人，殘廢者約六百萬人，他如人民之直接間接死於是役者，其數目幾與畢命戰地者相等。吾人痛定思痛，自應懲前戒後，不料從一九三一年日本侵我滿洲後，強權政治又復橫行世界，引動野心家燃起第二次世界大戰火藥庫，至今燃燒未已，其慘酷比前爲甚，舊夢重溫，不勝浩嘆。

06921

五個和平條約

四年慘戰苦斯民，和約雖多重絕秦，舉世太平欣有象，此中已歷五年春。

一九一四年秋季爆發之世界大戰，於一九一八年冬季方止，中間經過四年。至一九一九年六月，協約國及參戰國，始與德訂凡爾賽條約；九月與奧訂聖日曼條約；十一月與保訂涅耶條約；一九二〇年六月與匈訂特里阿農條約；最後對土條約直至一九二三年七月始於洛桑簽字⁵，共歷五年，世界和平，方形確立。

世事滄桑

世事如棋日日新，興亡變幻似奔輪，滄桑二十年間事，多少新人換舊人

當第一次世界大戰時，邱吉爾已是英國海軍部部長。若希特勒則為德國慕尼赫失業之一畫家，聞宣戰即入伍任二等兵。墨索里尼為意國一軍曹，在陣地受傷，同伍者傷亡殆盡，獨墨氏傷愈且為黑衫黨之策動者。貝當在法因扼守凡爾賽有功，世已知名。羅斯福時任美國海軍部秘書。史丹林方從列寧謀階級革命，廿餘年後，此數人者遂成今日第二次大戰之主要人物，世事滄桑，新陳代謝，能無感乎？

凡爾賽條約

割地賠金感不均，須防戰禍又重輪，那知和議違初約，却種來生未了因。



威爾遜

一九一九年二月十八日在法之凡爾賽宮開會，出席的代表七十二人，代表三十二國。議決各案，與美總統威爾遜所提原則十四條，多不相合，大失和議初意，茲將要點列左：

由德國割其本國領土亞爾薩斯、勞蘭與法；歐本

、馬爾美地、毛斯拉特與比；默墨爾與立陶宛；波森、上西里西亞東部、西普魯士一部與波蘭；並割但澤為自由市，歸國際管理；上西里西亞南部及百勒蘇益格，則由人民投票自決誰屬。海外屬地，則全部放棄，由國際統治。協約各國因戰爭所受之損失，由德國負責賠償，其數目則由賠款委員會估定。如此嚴酷條件，初非德國願意接受，故德國常懷報復，而二次世界大戰之因，即於此時種之矣。

德國懷抱不平

棄甲言和氣未平，當時簽約已吞聲，廿年枷鎖如羈鳥，畢竟冲天

又一鳴。

協約國對德條約，使德在歐洲失去領土，達二萬五千餘方哩，人口幾及七百萬，其在歐洲以外之殖民地，則喪失盡淨，又每年所輸賠款，裁決後即交國聯執行，故德對國聯常抱不平，德經此條約牽制，已二十年，今乃一躍而稱雄于世界。

德國經濟破產

和會追求事已冤，可憐經濟失來源，當時馬克真無價，一鎊能售半億元。

一九二三年一月十一日，法比聯軍，入德工業區魯爾設立機關，收其工業出產以作賠款，於是德之經濟，頓失來源，陷入破產，此時馬克，祇須三萬五千可換一金磅，然較一九二三年九月之一金磅，可換五千萬兆馬克，相去不啻天淵矣。

洛桑條約

賠償懲罰與裁軍，此約全刪舉國欣，國已自強人莫侮，凱公助績薄天雲。

各協約國與土所訂洛桑條約，與衆漚異，關於懲罰、賠償、及裁軍之條款，全行刪去，且此多爲土領袖凱末爾領導革命，自強之功所致。

道威斯計劃

德邦戰後苦無資，五國當時共護持，組會始來新計劃，於今人說道威斯。

德國魯爾被佔後，經濟破產，一九二三年九月，斯特累斯曼任德內閣總長，允付賠款，不能支持，是年底，美商同英、法、比、義四國，共組財政專家委員會，以事先整理德之財政，選美國專家道威斯為該會主席，故該會即以道威斯名之。

德國通貨膨脹之流毒

一飯曾經值萬金，傾家多負半生心，百般高漲無中產，國社功成直到今。

德因馬克大跌，不能控制，又無挽救方法，此德之通貨膨脹為禍，較凡爾賽條約尤甚，馬克抵押，負担固定利息，已無價值可言，常有一杯咖啡值馬克若干萬元。一切儲蓄盡成泡影，此打擊於人口多數之中產階級為最，不但要失資產，且降低社會地位，故國社主義，即於此環境中成功。

意國組成法西斯黨

分贓有約各先知，意國曾無實惠施，墨索里尼維自耐，野心先組

法西斯。

一九二二年十月，義政體發生變化，民主黨不能維持，爲法西斯黨推翻，全由墨索里尼獨裁統治，而墨氏野心勃勃，與希特勒互相利用，遂成第二次世界大戰之局勢，且意國在和會所得不多，頗不滿，故兩國易於聯合。

楊格計劃

萊茵左岸撤兵回，賠款追求亦可哀，五國共商新計劃，美人楊格又重來。

萊茵蘭從聯軍佔領退去，法亦將薩爾區交德，而賠款總額，仍未確定，五國代表追求甚急，一九二八年國聯將開幕，德要求五代表商討，於是共組財政專委會，又選美國專家楊格主席，至一九二九年二月在巴黎開會，六月七日楊格計劃方才完成，該會即以楊格名之。

德國加入國聯

羅加諾約記從前，隱忍簽名入國聯，日內瓦中稱盛事，萬方同慶太平年。

道威斯計劃成立，合法比接受，撤回魯爾駐兵，担保德法不再佔據，此即一九二

五年之羅加諾約也，禁德設置軍隊，建立砲台，解除武裝，義亦出任担保，規定德加入國聯，一九二六年德入國聯後，不能獲得實利，形勢上國聯雖多一會員，然德固非心服也。

非戰公約

非戰非攻本墨家，和平人自羨中華，巴黎公約書如舊，愁見征蹄踏落花。

一九二八年八月廿七日，非戰公約，在巴黎產生，故又名巴黎公約，祇就原則上宣言，不另立條約，各國各置裁判一人，未設立審議，解釋，或執行之機關。

紐約市場波動

求金反被多金誤，有信須防失信時，紐約市場呈恐怖，一時波動有誰知。

黃金時代過去，危機接踵而來，德之賠款能否支付，全賴多金之美投資投機順意，但以金洋輸歐過多，致美信用卓著之証券，大失信仰，故一九二九年紐約市場証券，頓時發生波動，數月之久，全世界人猶在幻夢中。

希特勒

國社人材匪所思，廿年奮鬥有誰知，於今細寫希公事，獨有同仇共歎斯。

其二

自古書惟寫姓名，項王氣壯有誰爭，試看畫墁成功烈，引得全球到處驚。



希特勒

一九三三年希特勒已作德國內閣總揆，將共產黨及一切政黨組織，盡行解散，納粹黨之奮鬥，幾二十年，至是成爲最大政黨，希氏氣壯，如項王雄霸一時，全球中無不驚詫其功烈之偉大。其「我之奮鬥」一書，全由老友赫斯所寫成。

納粹執政

納粹當權氣勢新，日謀毀約斥猶人，所懷政策輕民主，賠款停支更認真。

納粹黨於德國國會已得勢力，其政策，主張排斥猶太人，排除民主黨及毀棄凡爾賽條約，故一九三三年一月，德即宣布否認賠款，停止支付。

德國重整軍備

協約裁軍久未行，滿洲侵略露長鯨。強權政治重新起，引得潰池再弄兵。

德因對各協約國，未實踐其裁軍諾言，即以爲重整軍備之根據，於一九三一年滿洲侵略國聯靜寂之後，即現出「強權政治」之恢復。

德意合作

日侵華北意侵阿，國際由茲夥刦多。德意何緣相結合，法邦強盛兩難過。

當日本侵佔滿洲與意侵阿比西尼亞之時，國際間之戰爭，遂又發生，而意在十年前，已憎恨法之殖民地侵越，及在歐與波、捷、羅結盟實力增大，其野心常待機而動，自一九二九年後，乃與德日益親密，促德在協約國中佔平等地位，以削弱法之強盛。

德蘇協定

德蘇相協最難能，竟見和平有象徵。誰料曇花原一現，暫時同利作良朋。

德蘇兩國於一九三九年八月訂立協定，在形式上似屬不易，然數年以來兩國所商討問題，無多異議，大有和平徵象，豈知以利相交者，利盡則止，故終歸曼花一現。

賀爾計劃

意侵阿地不能裁，調解何心計劃來。從此國聯春雨似，滿園徒有落花催。

一九三五年九月，法以意侵略阿比西尼亞，中歐局勢必生反動，乃產生賀爾計劃，出任調解，但此議露佈，英之輿論譁然，賀爾退職，艾登繼任，然國聯威信終不如前矣。

軸心成立

德邦親意不相猜，失地原期次第回。既得龍來還望蜀，奧邦併合又蘇台。

一九三七年，希特勒提出收回前次所失殖民地之要求，此時英德之矛盾，遠在法德上，同時德意結合，成一軸心，至一九三八年三月德併吞奧國，捷克已受包圍，九月德又向捷提出收回蘇台區。

慕尼黑會議

四強無法共相安，削趾來求適履難。妥協張公雖百忍，千秋遺恨總長嘆。

一九三八年意既簽訂地中海協定，力圖協和德意軸心之英國，爲蘇台問題，在慕尼黑召集英、法、德、意會議，廢棄法捷互約及蘇捷互約，並迫使接受條件，已如削趾而求適履，不料一九三九年德即吞捷，又收回米美爾，英相張伯倫隱忍妥協，遺恨無窮。

悼興登堡

歐洲大戰著勳名，浩劫重來痛老成。八十餘年情似夢，不堪回憶舊同盟。



興登堡

前一九三四年八月，德總統興登堡氏，在柏林逝世，前次歐洲大戰，勳績特著，茲當浩劫重來，能不令人有老成凋謝之歎，八十年中，渾如夢境，追憶前盟，不堪回首。

第一顆炸彈

波蘭浦克突相驚，德炸漁村第一聲。好似晴天來霹靂，霎時風雨便縱橫。

一九四〇年九月一日，德機轟炸波之漁村浦克，此是二次世界大戰之第一聲浪，從平靜已久之天空，忽驚巨響，真如晴天霹靂，同時泊但澤之德艦，亦發砲擊中波軍火庫，是日陰霾微雨，似現將來世界不安之預兆。

德國要求十六條

十六要求語語清，德邦提出尙公平。當時氣勝誰相讓，戰幕重開血淚盈。

同日德覆英使，向波提出十六要求，大概以但澤走廊二地，應歸德有，及波德兩國一切權利平等，條款尙屬公平，但雙方均在硫氣之下，不稍相讓，致戰幕終開，而演血淚之慘劇。

希特勒盛服演說

爲妾天下一戎衣，開口先收但澤歸。我相太多難與共，繼承人亦有高飛。

九月一日德開國會，希特勒獨服特色之戎裝，較常軍服爲略淡，首宣佈收歸但澤，演講中共說七十八個我字，最後猶稱我未獲勝時，我決不除此服，我如遇有事故，我已委戈林將軍爲我繼任，戈有事，我之副官赫斯即可代替。然今之赫斯已鴻飛冥冥到英倫矣。

英法援波

欲再相安一笑難，當時英法助波蘭。可憐大劫誰能料，二十餘邦壁上觀。

英法援波，對德下哀的美敦書，希望德軍撤退，其相安處，不料希氏硬拒，於是英法對德宣戰，可是張伯倫氏早已預料希氏之必敗，而同時有丹麥、冰島、挪威、瑞典、荷蘭、瑞士、比利時、立陶宛、拉脫維亞、愛沙尼亞、羅馬尼亞、保加利亞、日本、蘇聯、意大利、西班牙、南斯拉夫、阿根廷、泰國、美國、阿富汗二十二國之中立，袖手旁觀，殊堪驚異。

波德戰爭

德軍三路入波蘭，器械陳陳抵抗難。記得波機圖報復，未曾入德半遭彈。

九月四日德軍北由東普魯士，西由西里西亞，南由斯洛伐克三路攻波，波軍雖衆，純係舊式騎兵，配備甚劣，故不能禦機械化之德軍，此時波亦以機四十七架飛炸柏林，但至中途被德擊落大半。

華沙慘狀

炎炎炮火集華沙，震動居民百萬家。苦守兼旬元氣盡，覆巢有淚灑殘花。

九月十八日，德軍大舉攻波，砲彈飛機集中華沙轟擊，將全城屋宇炸毀，居民一百三十餘萬人口，死亡不少，守將李賓斯基揮軍奮戰，至二十七日，卒以彈盡援絕屈降，據其廣播「人間地獄」之報告，言城內數日中投彈二萬枚，中砲十萬發，軍民死屍悉以萬計，其慘酷形狀，真空前未有。

甘末林攻勢

將軍西線氣雄哉，十萬英兵渡海來，二十五年如舊夢，征人何處不徘徊。

英法宣戰後，德之西線空中，砲聲密集，後一週，英將艾恩賽調兵十萬，越海峽至法，以增強甘末林指揮作戰之兵，回想二十五年前事，真如舊夢重溫。

得寸進寸

砲火雄威得寸難，四週前進哩餘寬。當時德法軍相敵，拉鋸功夫兩未安。

西線法軍之前進，得時進時，四週以後，從盧森堡起至萊茵河止，沿百哩長之德法邊境，聯軍已佔一百五十五方哩，計在摩爾塞區深入三哩，在勞德區深入一哩，平均僅入德境一方哩，德法勢均力敵，形如拉鋸，然人民苦矣。

希特勒妄想

驥武雄心已畢呈，尙言流血不光榮。欲圖一掌遮天上，無奈諸邦早認清。

其二

崛起真爲一世雄，自誇世界主人翁。炎威赫赫非心服，混一車書總夢中。

驥武窮兵之希特勒，雄心畢露，尙希望不事血戰，而獲勝利，故於波戰後，常對人稱：欲以軟驅硬嚇之手段，以羅致全球，並將用一種世人不知之武器征服世界。希氏雖自誇能統一世界，爲世界之主人翁，但羣畏其赫赫炎威，均非心服，欲

求戰事結束，當在希氏身後矣。

荷比呼籲和平

伐虢終須假道虞，比荷痛癢切肌膚。和平籲請天如夢，不斷狂風任爾呼。

德軍強向荷假道攻比，比王以荷比切齒關係，連赴海牙，與荷女王同發出和平呼籲，用荷法英比文字發表，大概謂：際此戰事未臻激烈，舉世十分關懷，吾人當敦睦友誼，保持和平福利，不料希氏拒絕，於是和平空氣，如狂風一掃而空。

慕尼黑炸彈案
慕尼啤酒舊門牆，納粹今成紀念堂。巨響一聲機動捷，希公差幸去來忙。

一九二三年十一月八日，在慕尼黑那爾格爾布勞爾啤酒店被炸後，納粹黨以該處爲發祥地，建造特殊紀念堂，當一九三九年十一月八日，希氏在該地開會，忽一聲巨響，將紀念堂炸坍，其彈即在講台柱下，幸希氏於演畢二十五分鐘前，勿乘保險車開去。

英法土成立互助協定

土國新從弱變強，求爲與國兩方忙。著番莫法能聯土，勝利初期已願償。

歐戰爆發，雙方爭取與國，而土適爲歐亞兩洲之鑰匙，因韃靼尼爾海峽，正扼黑海與愛琴海之咽喉，所以德與英法，皆思羅致，值希氏發出和議，遂聯對土施壓之時，英法與土之互助協約，遂於十月十九日簽字，從此英法外交上大獲勝利。

全面封鎖

海天萬里路遙遙，潛艇魚雷到處飄。封鎖漸嚴沉沒易，仇讐難得一時消。

德對英法之沿海航線，迭用潛艇水雷襲擊商輪戰艦不少，激英法憤恨，將德海航全面，實行封鎖，不准運輸出入貨品，此法可使德受致命打擊，但於中立國商業，大有妨礙，所以荷、比、瑞、丹、日、義、蘇等國舉起抗議。

「雅典尼亞」號被中魚雷

一舸橫渡大西洋，多數人來自遠方。狙擊竟遭淪沒恨，含悲難辨是誰殃。

英國著名「雅典尼亞」號船，總排水量一萬三千五百八十一噸，從愛爾蘭東部啓

艇，橫渡大西洋，行抵蘇格蘭西北赫伯萊地，忽中魚雷，頓時沉海，其中載美籍及加（拿大）籍之由英退出難民，共一千四百餘人，斃一百人左右，沉後，英即向德抗議，德亦宣言否認，此艇爲誰狙擊，尚不明真相。

「勇敢」號航空母艦被擊沉

勇敢英名永不忘，當時六艦任飛翔。可憐一遇無情敵，又見田橫五百亡。

戰事初，英之最老航空母艦六艘，任意飛翔海面，不料勇敢號，忽被德潛艇擊沉，據稱該艦，可載飛機四十八架，艦員一千二百六十人，被創後，艦長下令放棄，剛三十分鐘即沒，沉時發出巨響兩聲，艦上員兵，經救生艇救出者甚夥，尚有五百一十八人殉難。

皇家「橡樹」之殞

相期葉茂更枝繁，主力真如樹有根。無奈狂風頓吹折，千秋遺恨浦萊恩。

十月十四日英艦皇家「橡樹」號，被德U艇擊沉，於是英主力軍艦，大形減色，十五艘內，又弱一個，似此根深蒂固之橡樹，竟被狂風吹折，豈復望葉茂枝繁，

而德人方興高采烈，高呼浦萊恩艇艦長偉大之功，真令英人還恨千秋。

城門失火及池魚，潛艇橫施幾刦餘。多少和平中立國，通行海上費躊躇。

德英戰時，各中立國商輪，亦遭德之潛艇擊沉不少，最先は瑞典之蓋特魯與伯拉特兩號，繼則爲芬蘭、丹麥、挪威等國，羣遭無辜慘刦，如城門失火，殃及池魚，後經英海軍加緊搜索德艇，失事總額，由每日八萬五千噸，逐日減少至八百七十六噸，可見航海中，已大費躊躇矣。

奧華利拆穿磁性水雷

磁性魚雷入九淵，擊沉多少海中船，德人神祕稱三寶，可惜如今被拆穿。

其二

天上飛雷莫敢擾，英才啓視願犧牲。皇家懲賞真無愧，一舉長留萬古名。

一九三九年十一月二十一日，德機在泰晤士河畔，降落磁性水雷，德之施放此物

，擊沉各國海輪不知多少，今被英之水雷專家奧華利，不避危險，小心將炮機拆下，據稱：秤其重量有一千六百五十磅，內裝六百六十磅炸藥，於是德人神祕如意寶之武器，一旦拆穿於奧氏，十二月十九日，英皇特給勳章獎勵之。

「路華遍地」郵船之不幸

冰島航行日正西，郵船戰艦自高低。相逢互擊真淒切，壯士生還鳥夜啼。

十一月二十六日，英郵船「路華遍地」號，改爲護航巡艦，在冰島東南巡行，忽遇敵艦德意志號駛來，該艦準備作戰，又放煙幕，冀退出險區，彼此以砲互攻，後被敵德艦包圍，將路艦上之電燈及舵樓電室擊毀，全艦被火燃沉，據救出之人稱，當時壯烈情形，甚爲悽切。

「史比上將」號艦長蘭多夫殉艦之壯烈

史比威名動九天，誰知繼起勝前賢。可憐艦與人俱沒，留得英名萬古傳。

一艦人全百慮輕，吞槍裹體靜無聲。死生一度人皆有，難得如君

其二

特地清。

德艦史比上將號，在南美烏拉圭海面，追逐法艦，後爲英法三艦圍擊，將史艦首及司令塔洞穿二大孔，英又利用烟幕，將艦上偵機擊壞，該艦成爲盲目，同時供應輪烏蘇古瑪又被炸，乃退至孟特維都港，該艦於一九三六年造成，員兵九百二十六人，肇沉英輪七艘，爲德艦魁，艦長蘭多夫接到希特勒令，將艦炸毀，將員兵設法安置後，艦長即於二十日身裹國旗，吞槍自殺，與艦俱歿，其壯烈實令人敬佩。

愛拉立三國之屈服

兩虎相爭力比肩，羣羊差幸得安全。偶然一虎方休息，一虎孤行亦可憐。

愛沙尼亞、拉脫維亞、立陶宛，在波羅的海東岸，如羣羊居兩虎中，若德蘇相惡，勢均力敵，不暇他圖，三小國常可稍安，自瓜分波蘭後，德方休息，九月二十八日蘇即迫愛訂蘇愛互約，又強拉訂蘇拉瓦約，後逼立訂蘇立瓦約，不一月間，蘇聯兼併目的達到，而三國前途，就不堪設想。

北歐四元首會議

四國元戎迭主賓，互維國土重親親。萬能碉堡如天帝，瑞典高歌最動人。

北歐瑞王斯塔夫，與挪王哈貢、丹王克利斯欣，及芬總統克利奧，在瑞京史篤荷姆會議；內容是互維國土，敦睦友誼，堅決合作，嚴守中立，十月十九日至皇宮歡宴，高唱四國國歌，稱萬能碉堡卽伊等上帝之語。歌極雄壯，聽者泣下。

蘇芬大戰

相持百日苦芬蘭，雪地冰天血不乾。畢竟應援無幾許，始知從井救人難。

蘇芬談判，相持未決，迨十一月十三日始行決裂，至三十日蘇以多機轟炸芬各城市，芬築曼爾屢陣綫抵禦，其時雖經國聯十三國之應援申斥，亦不生效，終於十二月十九日，雪地冰天之下，蘇軍大肆砲炸，芬軍亦拚死抵抗，雙方戰爭，極為激烈。

波蘭走廊

大夏將傾勢莫當，況兼風雨正迷茫。波蘭今日難安定，悔不當時讓走廊。

但澤原屬波蘭，從一七九三年俄普奧瓜分波蘭後，但澤遂為德所有，日爾曼人亦日增加，直至上次大戰畢，波蘭重建海口，乃由巴黎和會中，劃但澤為自由市，（實權操於波蘭）並劃東普魯士以西的「帶地方予波蘭」，因此帶地形酷似走廊，故名之為「波蘭走廊」，但德國之本部及東普魯士却由此分開，德人最不甘心，希特勒登台後，即在但澤布其爪牙，然該地反對派仍有相當的勢力，因此得知希特勒之要求但澤，不僅在經濟上和戰略上的關係而且是政策上謀消除反對派之關係，以是德卒進軍但澤，藉口進攻波蘭，世界大戰之序幕，遂重揭開。

韋爾斯赴歐

歷聘諸邦在息兵，苦心難說此中情。怪他秦楚多成見，辜負長途
一宋輕。
其二

僕僕風塵一月多，教皇元首歷經過。和平路徑終嫌少，感慨天公
不厭瘞。

自一九四〇年二月蘇聯芬蘭激戰後，美總統羅斯福即委副國務卿韋爾斯，迭訪意、法、德、英四國，冀弭兵爭，名為調查各國情形，實則偵察各方有無和平可能

荷蘭女皇

，但英德均表示不能和協，英相張伯倫稱：德獨霸歐洲，小國皆將淪陷，必德改圖，放棄強權。希特勒則稱：德在安定本國，但必先收回殖民地，與中歐共管建設。雙方成見未除，致韋氏由意訪德，過法抵英，經謁各元首及教皇，所獲和平效果，僅得休戰五條，亦所難行，至三月二十日返國，費時四十餘日，行程一萬四千里，天不厭亂，其結果與上次荷比二國呼籲和平一樣無效。



平效果，僅得休戰五條，亦所難行，至三月二十日返國，費時四十餘日，行程一萬四千里，天不厭亂，其結果與上次荷比二國呼籲和平一樣無效。

法國萊諾組閣

國事蜩螗意不齊，黨爭隨處見高低。漫誇萊諾新成閣，抗敵心情等曠牕。

一九四〇年三月二十日，法前內閣達拉第，與衆議不合，致失信仰而辭職，法總統乃令財部長萊諾組織新閣，萊氏對德採强硬政策，曾云以前法之力量在人民，

今取勝利則惟軍是賴，其說雖爲左翼派所歡迎，但其抗敵雄心，意志消沉，萊諾登台，已噬臍莫及矣。

鐵的大功

宰相曾傳鐵血名，迄今猶自費經營。瑞挪產鐵輸來易，攫取能期萬事成。

德國所需之鐵甚多，而其所產之量，僅供需要百分之二十二強，其餘百分之七十七、一五，皆仰給於各國，歐戰時法比來源斷絕，德全仰賴瑞挪運輸，四月五日，英法曾向瑞挪警告，勿再資助，並佈水雷戰艦，實行封鎖，以防德之攫取。此爲促成瑞挪戰事之一大原因。

奇特宴會

衆賓濟濟夜沉沉，一幕掀開警惕深。列座多人無戰意，始知上法是攻心。

一九四〇年四月五日夜，挪京德使館會議，並邀挪威名流多人，參觀影片，片爲前次德機轟炸波蘭景狀，次第演出，觀者靜悄，經德使解稱：此非戰影，乃指示一般民族應如何探安全途徑，以免受苦之和平真實照片，挪邦人士觀此警惕，均

無門志，致挪僞總理奎斯林預結內應，睡手佔挪之陰謀遂告成功，此兵法所謂攻心爲上也。

英議會對張伯倫之攻擊

北歐小國被侵多，險狀環生奈若何。坐失時機懷往事，和平調解太蹉跎。

一九四〇年四月七日，英議院羣對首相張伯倫攻擊，首由阿特里稱此次戰役，獲利困難，歐北小國，如挪、波、捷，皆被德侵，其過均由我英政府之緩慢。嗣辛克萊稱：我已失挪、丹、瑞之援助，恐此後險狀，不堪設想。最後勞合喬治氏亦云：德既佔挪，益肆機艇，迫我海岸，不至對波、挪、芬之諾言都成廢紙不止，往事班班，皆由以前調解蹉跎，費時失事之咎，現除請張伯倫退避賢路外，實無良法。

德國攻勢激烈

併奧亡波捷克哀，丹挪瑞典亦招災。不堪荷比重回首，浩刦如前取次來。

一九四〇年五月十日黎明時，德開演未來千年中，最巨大驚人之惡劇，由希特勒

，戈林，戈培爾七年大規模之準備，正式開幕，其併奧侵捷、亡波，是其前奏，佔領丹，挪，亦屬小引，每對國人云：法於二百年中，對德宣戰三十一次，必將德擊成齏粉，或化爲數國，喪失政治地位及力量。

比荷降德
兼旬竟使比荷降，閃電軍鋒銳莫當。不是水淹丹刻克，英邦損失更迷茫。

德軍向荷比與盧森堡進攻，比外長斯比克曾向德提出抗議，稱此舉實侵犯二十五年間之中立，荷政府表示以全力抵抗，而盧森堡國雖微弱，亦頗盡其所能，不甘屈服，遂遷入法境，在此激戰時，幸賴聯軍之淹水政策，在丹刻克成功，不然，英之損失，更不可數計。

休烈勞戰略

迂迴戰略實堪驚，先向單方駐重兵。休烈勞名長不朽，索姆河域更光榮。

此次歐戰德軍席捲比國弗朗達斯及阿爾多，到達索姆及埃納二河後，一方面沿海峽進兵，肅清英法殘兵，另一方面越索姆河攻陷巴黎，此方法乃依據有名之休烈

芬戰略而來，休爲上次大戰時之德國參謀總長，他鑒於德法世仇，一旦開戰，德法邊境必難突破，故主張把德大部軍隊集中於比、荷、盧三國邊境，左右兩翼，只待法軍進攻左翼，乃以猛力進攻右翼，曾收奇效。

邱吉爾組閣

數載張公坐失機，議場今日盡相非。幸教邱閣新成立，重整綸扉振國威。



邱 吉 爾

一九四〇年四月。西線大戰爆發，英閣張氏，知非舉國一致，不足以救危亡，即辭閣職，云伊任相三年，失機已屢，今當退避賢路，但仍以不可動搖之勇氣，擁護新領袖。邱吉爾氏乃卽日組成新閣，名單爲首相邱吉爾，摺密院張伯倫，掌璽部阿特里，不管部格材任特，外務部哈立法克斯，海軍部亞歷山大，陸軍部艾登，空軍部辛克萊，於是英之綸扉重整，國勢復振，氣象爲之一新。

千架飛機新景

荷英法比四天空，翹首千機盡日攻。此景此情從未見，蜻蜓遠襯夕陽紅。

一九四〇年五月十日，法、比、荷、英紅亮之天空，突現德機千架飛翔，似此多如蜻蜓之飛舞景象，真為歷史空前之第一次，又有早年訓練之降落傘隊齊來，該隊係挑選精銳，挾有無線電及機槍疊摺踏車，手段敏捷，專門破壞交通，以是德軍銳不可當。

海牙厄運

人間喜種吉祥花，萬國和平重海牙，不料楚歌今四起，無方護法祇咨嗟。

當德機以降落傘隊攻荷時，在鹿特丹之戰，顯著功效，德之天使曾一舉而佔左岸威爾海，并入右岸之證券市場及車站，鐵路為其截斷，致萬國和平會之海牙，亦楚歌四起，無法維持人類之文明，大可哀矣。

荷皇出奔

當車轆臂寶堪傷，舉世爭誇一女皇。自信身非亡國主，攜嬰遠引

淚琅琅。

一九四〇年五月十二日，聯軍勢益窮，荷軍在伊塞爾之前線，退至格萊培第二陣線，不久又被德突破，衝至鹿特丹海岸，將荷截成兩段，已如螳臂之當車，荷女皇威麗美娜，攜公主駒馬及小外孫飛航倫敦，次日即發出廣播，激厲軍心，衆多感動。

比王投降

連天爆火震離宮，切斷聯軍勢漸窮，不與諸臣詳計議，降王早已落威風。

一九四〇年五月十七日，德軍連日攻比，盧汶及布魯塞爾與安特威伯陷落，德陸軍由坦克飛機協助下，直抵海岸線，使比境之英法主力聯軍，互相隔絕，其時新任司令魏剛方劃策反攻，而比王李奧波特，不與聯軍諮詢，又不徵詢閣員同意，突然向德投降，蓋其時王的精神已大受刺擊，一切不能自主，以德飛機連日震蕩之功，亦卽神經戰之效也。

巴黎淪陷

馬其防線金湯固，黨派紛爭不守側。最是奉降稱勝利，人心陷溺。

更誰過

一九四〇年五月十八日，法閣萊諾召回貝盧



驥

當魏剛，商討防務，德軍用坦克車飛機降落傘隊，擾亂後方，綿延陣線達五百英里，增兵至一百師，六月九日。德軍由海峽至穆斯河，已抵色當要塞，十一日法軍退至瑪恩河，十三日巴黎淪陷，萊氏辭職，貝當另組新閣，至十六日馬奇諾陣線，又被突破，於是人心益形陷溺，乃出言和，且云此爲法之勝利，亦可哀矣。

聯軍損失

六國聯軍抗暴秦，戰場器械一時新。那知戈特非能將，一潰難收委敵人。

一九四〇年六月一日，英軍司令戈特令部隊撤退，德亦因天氣不佳，稍事放棄，此次西線之鏖戰，自五月十日開始，德利用空軍新式戰術與機械化部隊，向聯軍攻擊，至是英法共損失一百二十萬人，而傷淹者，不計其數，被俘毀之軍械約八十師，擊落飛機一八四一架，擊沉巡艦五、驅艦七、潛艇三、軍艦九、商運船

六六，又炸毀巡艦十、驅逐艦二四、魚雷三、軍艦二二、商運艦一一七，在德方亦陣亡兵一〇、二五五人，失踪八六四三人，受傷四二、五二三人，損失機槍四三二架。據邱氏稱：使聯軍損失物質三分之一，與大砲運輸鐵甲車全失者，皆由戈氏不善指揮所致。

岡比恩談判

盧騷往事已難言，民氣消沉絕後援，岡比恩中尋故事，餐車如舊主賓喧。



拿破崙

一九四〇年六月二十一日，法派洪澤格爾等，

與德代表季德爾等，在岡比恩談判，該處確係

歷史上有名之地，前此法王路易拿破崙，曾於此迎其瑪麗，即近二十年前，德代表與福煦上

將簽訂和約之處，廿二日談判結果，各條件洪

氏向德要求讓步，但季氏堅持不能久待，洪等

只得簽字，與希特勒戈林等會晤於舊餐車，情狀一如往昔，不過主賓易位而已。

降落傘之猛進

體驅雄偉技能精，共羨鋼軍百煉成。降落傘中皆祕寶，真看飛將取龍城。

降落傘用法，從前僅爲救人及輸送彈藥之用，後來美國陸軍中某將佐，乃想出由降落傘降下員兵法，這次蘇聯及德國即以此爲基礎，從事降落傘部隊之研究，及至一九三四年始在蘇聯公開演習，又在明斯克舉行降落一千二百人之演習。降落傘部隊之裝備，是以巨型之運輸飛機滿載員兵，自天降下，兵士之服裝輕便，皆攜有自動小槍，及多量子彈糧食，降落後，第一任務，即佔領飛機場，以爲運輸機之後援，且迅速佈成陣形，用奇襲戰術乘虛進攻，導友軍於有利形勢。此次歐戰，德國在波那尙屬小規模，進攻荷蘭，乃大顯神通。

貝當哀告
敗後方傷幼小多，盟軍器械兩難過。軍心瓦解無能挽，惟有吞聲向敵和。

一九四〇年六月二十日，法閣貝當對法國人民稱：法國兒童太多，友軍太少軍械太少，在一九一七年中，雖經惡戰三年，尚有士兵三百二十八萬，此次大戰較前少五十萬，即一九一八年，有英軍八五師，美軍五八師，意軍四一師，而物力較

前尤劣，若空軍則以一敵六，且德軍機械化部隊之優越，不得不屈，但據中立者言，法國實非崩潰，乃腐化官僚不善領導，以致人心瓦解，不能挽救。

第三共和國淪沒

自從憲法改修中，法國共和已壽終。勒氏急流先勇退，獨裁留與貝當充。

一九四〇年七月十日，法閣貝當召開國會，修正憲法，實行集權獨裁制，於是法之第三共和國從此壽終，十三日法總統勒白倫告退，貝氏即出組新政府，自任總理。

三小國幻滅

德軍屢勝勢洶洶，弱小星羅勢不容。樂得蘇聯今藉口，同盟併合自雍雍。

一九四〇年九月十四日，蘇見德征服法國，軍威大振，乃不能仍再坐視，於是藉詞立、愛、拉三國，曾與蘇聯成立軍事同盟，即各派兵駐紮，而該三國與其見侵於德，不若合併於蘇，故條件提出，即雍然許可。

羅國屈服

比沙拉比久紛爭，今日蘇聯出仲評。羅國外援知已少，低頭向德寂無聲。

一九四〇年七月二十七日，蘇以比沙拉比亞，原係土國異教統治，羅於一九一八年，乘蘇弱時攫取，已管二十二年，至是蘇乃提議收回，羅之外交向依英法，今法已降德，英亦勢危，不得不向德低頭，以免開罪於蘇，尤其條件，從此羅政改變親德，等於附庸。至蘇德能友誼若干時，非所計也。

維也納的仲裁

強權集會亦堪哀，弱小低頭聽仲裁。五萬餘方羅領土，一朝拱手讓匈來。

一九四〇年八月二十九日，德總理希特勒同里賓特羅甫，與意代表齊亞諾，在維也納舉行四國會議，先將匈羅問題磋商就緒，待羅匈代表至，即以壓力迫受仲裁，正式簽字，使羅疆土仍回舊例，割特蘭西里凡尼亞五萬五千方里之地，拱手讓匈，羅不過得德意保證之代價。

與自然作戰

酷熱蒸人病瘦多，無方止渴更難過。意軍苦戰英能守，都向天公

門惡魔。

一九四〇年八月，意對英屬索馬里蘭進攻，正天氣酷熱，已達華氏表一百二十度，而交通僅恃駱駝，且缺水不能止渴，沙漠中又疫疾流行，然該地雖三面受意包圍，英軍竟能堅守，致意消耗無數糧食汽油彈藥，此種苦戰，可謂與自然奮鬥。

英美合作（售艦租地）

海軍要地許相租，舊艦售來亦兩宜，此是美英眞合作，漫天風雨要同支。

一九四〇年八月十八日，當德機轟炸英倫時，英、美、加（拿大）實行聯防，因美前以兩大洋為保障，今乃已成恐怖景況，故極力助英，除儘量售以飛機軍火外，又售年船較老之艦五十艘與英，英國亦允租讓加地海軍根據地給美，從此同舟共濟，雖漫天風雨，或可支持。

英難童船被炸

月餘炮火震天紅，幸有慈航普渡中。誰料海槎來萬里，魚雷偏毀到孤童。

一九四〇年九月，英倫迭被德機轟炸，英疏散人口，將難童送赴加拿大，乘輪萬

里，在大西洋中途竟被德潛艇炸沉，德方聲明不負責任。

倫敦炮火日紛紛，鐵鳥羣飛半入雲，多少名場成瓦礫，記來花絮足新聞。



英皇喬治第六

一九四〇年九月，德機大舉轟炸英國各地，毀建築物無算，尤以世界著名兩博物院為最，某日轟炸倫敦，竟達九小時半，在北區投噸炸彈多枚，南區街火燃二十五處，東南區之教堂店鋪工廠，均被炸毀，而英人毫無恐怖，即養老院一千四百餘人，其年紀從六十至百歲者，亦無一人抱悲觀，更有歷二百餘年舉行婚禮之教堂，亦成焦土，種種花花絮，無日無之。

美英澳談判聯防

戰雲愁慘欲瀰天，舉首星洲火正燃。美澳英邦同切念，太平洋望

太平年。

一九四〇年九月二十日，美國務卿赫爾，與英使樂相，澳使加塞談判，美英澳實行聯防，以增強太平洋上之防務，及關於太平洋範圍之問題，議定太平洋由美保衛，大西洋由英負責，英如重開滇緬路，美亦允予支持，三國聯合互防，則將來太平洋上，或不致有惶恐灘頭之歎。

德意日成立新公約

三國同盟一樣心，一心只想向人侵。此番成立新公約，他日焉知得失林。

一九四〇年九月二十七日，意相齊亞諾聘德，與希氏會談，於是成立德意日三國新公約（即軍事同盟）軸心勢力，益增鞏固；然因此引起蘇聯之反感，成敗得失，史家自有公評。

美海軍成立大西洋巡邏隊

雲邊鐵鳥似飛梭，水底魚雷異樣多。從此漫言魚鳥樂，大西洋上有巡邏。

一九四〇年十月一日，美以德意日軍事同盟，飛機鳥集，潛艇魚叢，大西洋內時

遭不幸，於是成立巡邏艦隊，以各式軍艦一百二十五艘組成，任海軍少將埃里斯為司令，并擴充潛艇及水上飛機實力。從此大西洋上，或可稍慶安瀾。

英相張伯倫引退

大局雲翻未易謀，老臣風度尙休休。十年守勢真難問，勇退於今正急流。



張伯倫

英相張伯倫，年來採取绥靖主義，力圖和緩，實則因此引起軸心國之急進，某議員云：張閣欲搭和平緩車，實則恰搭了危險快車，確是事實。一般人士以為守勢時期告竣，張亦以十年前之守勢，不適用於現在，即宣告引退。

德軍開入羅馬尼亞

德軍需要是油田，羅馬尼亞猛着鞭。祇恐鋒芒今太露，最難默爾

是蘇聯。

一九四〇年十月七日，德軍開入羅境，全在佔領油田，事先未徵得蘇聯同意，雖羅爲德勢包圍，但德軍威脅太甚，恐蘇亦終難減默也。

貝當通告法德合作

十世仇讐忽已親，當年恩怨又成塵。貝當合作終虛語，戰敗歸降確是真。

一九四〇年十月三十一日，法總理貝當言已決定與德合作，共同進行和平建設歐洲計劃，余已負責實行，今後國人及殖民地人，應一律遵守，不得有反對行爲，否則政府必撲滅之，似此認賊作父，以德報怨，亦大失本心矣。

希臘環攻意軍

六師如火入愁雲，不戢終教必自焚，二三萬意兵成甕鱉，無人再羨黑衫軍。

一九四〇年十一月六日，希軍疾馳阿爾巴尼亞增援，以期殲滅被圍之意軍，故意軍三萬被圍於科律薩，希軍乃大舉砲機攻炸，意雖數次突圍，均被擊退，損失機槍多架，戰力大阻，各路截斷交通，勢如甕鱉，黑衫軍之威名從茲大減。

羅斯福三任總統

藍鷹運動大功多，民意歸依可奈何。打破白宮前紀錄，三番連任更誰過。



羅斯福

一九四〇年十一月六日，美舉行大選舉，全國五千餘萬選民，選舉各州選民代表，再由各州代表多人，選舉正副大總統，結果羅氏得票最多數當選，打破一百四十四年前，華盛頓拒絕三次連任之遺制。羅氏以前政績，在復興產業方法，一方面停止金本位制，實行通貨膨脹，一方面樹立新方案，如農村救濟法，國家產業復興法等，因此使失業者日漸減少，且增加人民購買力，達到生產與消費均衡之目的，此運動以藍鷹為徽號，故稱為藍鷹運動。

大蘭多戰役

英人又捷大蘭多，空戰神威永不磨。從此意方難再出，地中海上不揚波。

一九四〇年十一月，英意在大蘭多之役，對埃及影響非常重大，亞歷山大港，所受陸海軍之威脅，始行減輕，前意對希作戰時，彼方確有分力攻埃及，今則疲於奔命，無暇他圖，地中海因此稍戢風波。

悼日本西園寺元老

當年和會記元功，家世殊勳位最崇。一老不遺邦殄瘁，最難公種再生公。

一九四〇年十一月二十四日，日本元老西園寺公病歿，距生於一八四九年，享壽九十二歲，在病篤時，日皇派遣侍從及御醫診視，皇后亦使員詢探。逝世後，其爵位及貴族院之議席，仍由其子承襲，惟元老之名，從此廢除。其早年曾留學法國至十年之久，研求法律最深，曾一度組閣，又出席和會，為日本全權代表，且充大會副主席。

美又貸華一萬萬元

扶危救困古風存，美又資華萬萬元，從此亞東新秩序，真如留下一彈痕。

一九四〇年十一月，美對華又貸款一萬萬美金，在此貸款中，以五千萬元作他用

途，以五千萬元作保證中美之幣制，使兩國幣價平衡，為益不少。而日方則論為此舉，是對日挑釁，于日本建立東亞新秩序之基礎，不啻投下一炸彈云。

德援軍入阿助戰

意軍東向竟無功。已失當年氣概雄，不是同盟援助急，黑衫殲滅萬山中。



世二十護庇皇教

一九四〇年十二月，意與希軍戰於特培勒尼等處，被希軍冒雪刃刺，被逼後退，意軍雄氣喪失殆盡，賴德以同盟關係，派大軍四萬五千，配以大批轟炸機，赴阿爾巴尼亞助意，并運輸軍用品。不然，黑衫軍幾殲滅於萬山中矣。

羅國鐵衛團之慘殺

羅國軍民久不安，德邦有意助波瀾，可憐猶太人懷璧，千古埋冤
鐵衛團。

一九四〇年十一月卅日，羅馬尼亞發生鐵衛團肆行槍殺事，全國各處戒嚴，德之希氏對該團反示友好，其陽止陰使，無非有意引起波瀾，可憐猶太人處此鐵蹄蹂躪之下，真是埋冤千古。

法國戴高樂發起無言抗戰

國雖削弱氣猶雄，自古人窮志不窮，試看法邦多志士，隱情都在不言中，

其二

家亡國破淚難收，獨將孤軍號自由，漫道楚囚相對泣，將軍名已重千秋。

一九四〇年十二月廿四日，法國領袖戴高樂，向淪陷區之法人，發表於明年元旦，羣留室內，閉戶一小時，表示被征服後，作一種無言之抗戰，

德國發明無聲機艇

飛機快艇日相驚，幸有宏音聽得清，今日迅雷難掩耳，殺人如草不聞聲

德空軍要人稱：德新發明無聲發動飛機，可適用於轟炸機及快艇中，今首次試驗

，已獲成功；此項機械，將用以攻擊英倫，此後有迅雷不及掩耳之感。

德又發明透明飛機

鐵鳥羣飛入碧空，九天啓視竟夢夢，全無色相來相示，製造真能奪化工。

德軍又稱：德再發明一種新法「蓋克」式飛機，其機身用透明之特質製造，在二千英尺高空飛上，即難區見，該機所用引擎，為三百匹馬力，速度每小時三九〇英里，如此，使人難見蹤影。真巧奪天工矣。

羅斯佛爐邊談話

一言天下咸爲法，一怒能懲強暴心，始信仁言真利溥，萬方如聽海潮音。

其二

舉世相爭不肯休，飛潛惟有淚交流，誰真一語千紛解，萬物歸仁各自由。

一九四〇年十二月廿九日，美總統羅斯福發表爐邊談話云：本人是關於民族安全，為唯一之目的，以保美國之獨立，并保全大衆，為謀獨立之有關一切，使美人

之子孫，永遠跳在戰爭漩渦之外，目前侵略國家，已受阻礙，如遠離我海岸之德意，已為莫希困於大西洋之一岸，日本則為中國所困住，然是否自覺，尚不可知，太平洋上，惟有吾國人趁此時機，力謀自立以立人，力謀自安以安全世界，使人人各享自由平等之幸福。（海潮音謂梵唄之聲雄而遠聞也）

美擬倡組人類國際聯盟

世界文明日新，同稱人類應相親，為何大刦終難却，勝負恩仇各有因。

一九四一年一月十六日，美擬俟英獲勝後，倡組人類國際聯盟，由美英兩國之警力保護，以維持各地之法律與秩序平等，并利用經濟壓力，以防侵略，以民生主義為原則，使各國人均有權力，決定其本國所選之政府。

英首相邱吉爾警告國人

禍至無期古訓詳，相公語重更心長，當前大敵空前有，艱苦來時要共嘗。

一九四一年一月十八日，英相邱氏巡視防務後，在格拉斯哥警告國人云：伊對戰事結果，雖無疑慮，但國人此後必須忍受痛苦危險，并忍受各城市及工業之轟炸

，來日大難，不可容易渡過，必以臥薪嘗膽之精神，而后可獲最後勝利。

羅總統代表居里來華

中美邦交已日親，白宮關念惜斯民，情知居里來華意，欲障橫流免共淪。

一九四一年二月，美總統羅斯福派代表居里來華，其目的為決定援華政策，當大西洋危機四伏，加緊援英時，允以飛機軍火，貸予中國，并擴充經濟力量，意殊可感。

英艦隊炮擊熱那亞

殖民屬土已多寬，抵抗無方保衛難，熱那亞中三百炮，意軍崩潰舉州安。

一九四一年二月九日，英艦隊炮擊熱拉亞，破壞極大，邱吉爾氏謂此次足可摧毁意軍在北非總攻之準備，並壞汽油電廠及運艦多艘，使意之北部交通斷絕，軍勢頓形崩潰。

美明發無線電控制之飛機

有鳥高翔入碧空，鴻飛終少計西東，今茲控制如人意，高下由心

用不窮。

一九四一年，美空軍部近新造「洛勃特」式飛機，日前在總部機場試飛，成績優良，據稱此種機，可將別機或地面，以無線電控制，能持久飛行，終日不息，東西高下，無不如意，至其用途，尚未決定，從此美之空戰，又超人一等。

英外相艾登行抵土京

希臘風雲變已過，近東全局又如何，此番艾相飛來切，英土邦交密更密。

艾

登

一九四一年二月十六日，英以希臘戰事不利，德將危害土之城市，士亦決心抵抗，當此近東局勢緊張時，乃命艾登，赴土磋商重要條件，欲土開放達達尼爾海峽，允英艦隊航行，以便英國地中海艦隊，開入黑海，以對付羅馬及該帶意軍之根據地，并可擾亂德蘇黑海之貿易，自此英土友誼，將日形密切。



克里特島之戰

地中海 上戰雲開，搏鬥精神實壯哉，一萬健兒齊傘下，爭誇飛將自天來。

其二

一島周遭水接天，料來飛渡祇神仙，誰知白刃交鋒下，竟有神兵到萬千。

德軍攻克里特島英軍之時，先以降落傘部隊數千人飛佔島上要地，真有飛將軍從天而降之感。

德遠程機炸英航隊

魚亂深淵鳥亂天，戰時無處不愴然，今朝南大西洋地，鐵鳥長追萬里船。

其二

來從熱帶一身輕，敢作高飛萬里程，如此海天如此險，英邦徒有護航名。

英國航行軍艦有從非洲來者，被德國遠程機轟炸甚烈。

英國貸華五百萬磅

四年苦戰骨皮穿，從井何人肯見憐，除却美俄相貸款，英方今日更周全。

一九四一年五月，英國近川五百萬磅信用借款貸與中國，在英國戰事激烈之際，尙能以款相貸，可謂從井救人。

北美飛機廠工人罷工

空中堡壘半天城，全仗勞工衛太平，何事一朝都廢業，是誰空手去援英。

美國近有飛機工廠工人罷工之舉，日言援英，如長此下去，影響甚大，想美國當局必詰設法制止之也。空中堡壘為美所發明，飛高載重，勝過一切。

英美放棄在華特權

桎梏吾民近百年，神州變革海成田，時移勢易今非昔，醒眼宜當棄特權。

其二

及時解放見相親，弱小民同反縛身，今日自由還我願，解鈴終是

繫鈴人。

英美當局近申明在戰事平定後，決意放棄在華租界各種特權，時機已至，當然不待要求也。

德長程大炮轟英

舉頭天半現朱霞，響澈雲衢一望賒，昨夜倫敦人盡道，不知火炬落誰家。

其二

一夕居民已數驚，撼天巨炮一聲聲，問他威力來何處，盡遠多維遠射程。

德國在法之海岸，設有長程大炮，能轟擊數百里距離遠之英海岸。

伊克拉近事

智役愚兮自古然，登場傀儡任人牽，試看廟議渾無主，俯仰隨人亦可憐。

其二

抵死相爭不息肩，雙方都是爲油田，象因有齒焚身易，造物何心

結禍緣。

伊克拉各處以產油著，爲英德所必爭，然伊政府毫無主宰，任人導引，不能自決，亦可哀也。

日與荷印談判不諧

蓬萊三島似狼貪，西望無成又向南，荷印也知人寡信，任他芳澤是言甘。

日本遣芳澤向荷印交涉一切，卒無結果，因彼他人民甚不相信日本，故無好感。

蘇聯建史丹林防線

握手言歡墨未乾，無端又報起波瀾，西秦坐大終爲害，南楚何曾敢自安。

其二

難言互約不相侵，祇有長城直到今，堡築興登如昨事，誰知又建史丹林。

蘇聯所築史丹林防線，綿延數百哩，工程甚固，此爲佛德侵犯而設，希特勒聞之真疑懼無既。

悼英前相張伯倫

世局支持具苦心，年來養虎竟難擒，鞠躬盡瘁今如願，三島誰爲
梁甫吟。^注

美國務卿赫爾主張確定國際秩序基礎

今世何由進大同，要從平等有無中，主權應互相尊重，國際和平
氣自隆。

一九四一年三月五日，美開各界名流演講，首赫爾之講稱：美對各國外交，以根
據尊重正當之權利爲原則，並保護本國之利益，同時又設法促進國際之互惠，其
尊重國家主權，遵守條約，實爲維持永久國際秩序之基礎。

日本松岡爲不祥之鳥

此行原欲視同盟，那料風雲轉眼更，聞道意軍全敗績，不驚心處
也心驚。

一九四一年三月下旬，英在地中海戰勝利，適當日相松岡使德意之時，而英之
截擊意艦，竟退至巴利布林及他根據之地，情報稱此次海戰，爲最有價值，意參
戰兵艦，僅剩三分之一。

A B C 三國之將來

地廣人多力莫當，世推英美與吾邦，A B C 字尋常見，次第書來却有章。



霞

一九四一年四月十二日，我國大使郭泰祺將

返國，告別友邦稱：戰後之時代，主要者惟

A B C 三國，即美英與華是也，在將來和平之東西合作，美英與華、蘇、澳、紐、印，飛均可能合作，若日本如能恢復其正當理性，予之希望，亦可合作，我國定可達到勝利，

此後任何不信諾言，及軍事壓力，均不能使我動搖。

希國總理憂憤自殺

世亂時危處萬難，國如豚薛更非安，百憂一暝真無奈，徒使希王淚似瀾。

希王喬治兼攝總理職於危難之時，盡心維護國力之團結，前協理柯利茲，仍留職贊助，不料柯氏憂心國事，精神憤鬱，乃忽自殺，使希王頓失臂助，大可傷已。

羅斯福長公子來華

漫言公種自生公，盤頓乾坤助白宮，知道東來多紫氣，蜀山千疊氣如虹。

一九四一年四月，美總統長公子傑姆士，由菲抵港，各報傳彼將往重慶謁蔣，羅氏亦謂此項猜測，頗為恰當，行見紫氣東來，蜀山生色。

德國社黨副領袖赫斯奔英

繼承希特勒為誰，除却戈林即赫斯，今忽出奔英島去，此中消息有誰知。



赫
斯

一九四一年五月十二日，德國社黨副

領袖赫斯乘機跳傘，降于英之蘇格蘭，身懷安然無恙，據謠傳赫氏有媾和建議，但未經希氏贊同，故爾出奔，可見德政內部，已將分裂，按該氏現年四十五歲，希氏於初戰時，指定爲總理第二繼承者，當繼戈林之後，於

前一九二三年，革命失敗，與希氏同獄，曾筆記希氏口傳「我的奮鬥」一書，今無故奔英，神經未亂，不知其葫蘆賣甚藥也。

格陵蘭英德海戰

海上窮追路幾千，圍攻鐵血相公船，不知萬歲高呼候，可有人歸北海邊。

英之胡特號被擊沉後，英海軍全力圍捕敵艦，俾斯麥號殲焉。俾斯麥曾稱鐵血宰相，該艦於沉沒時水手高呼萬歲。

希特勒之雄圖

不堪舉世治絲棼，蓋世英名振六軍，最是草書先統一，新聞都變拉丁文。

其二

自從北美建新邦，民主精神願已償，今日歐洲稱合衆，不知是否爲尊王。

希特勒爲統一文字起見，德國報紙，一朝概改用拉丁文。又希特勒以一個國家口號時代，業已過去，主張組成歐洲合衆國，但不知真意安在。

悼威廉第二

英雄末路亦堪哀，辜負當時蓋代才，今日全歐一土宇，廢皇何事不重來。

其二

英皇甥室德皇儲，富貴浮雲過太虛，不識杜恩新塚上，精靈未泯黨何如。



威 廉 第 二

廢皇爲皇太子，又爲英皇之外甥，第一次
大戰赫赫有名，現病沒於荷蘭，廢皇遺囑
'即葬荷蘭之杜恩。歐戰時會演說云：吾
祇知有德人，不知有黨人。'

敘利亞近狀

事齊事楚兩無功，大國爭持各不同，昔日主人今是客，幾多陵谷
幾英雄。

報載法在敘利亞共有一萬人，現均逃至巴力斯坦。

新加坡戒嚴

雄哉獅島水洶洶，魄力能操兩大洋，若使保邦無遠略，倭氛南進更凶狂。

其二

八千萬磅非糜費，二十餘年效始收，當未雨時宜着意，天陰戶牖要綢繆。

新加坡又名獅島，英人以地當印度洋大西洋，於二十年前，即糜費八千萬磅，建築軍港。當時，工黨反對，某君曰：天雖未雲，要自準備下雨，今果驗矣。

美輪羅賓穆爾被擊沉

萬里重洋壯大觀，一輪何碍地天寬，可憐一擊沉淪後，更有餘生再被彈。

第一次世界大戰時，美制德國濫用潛水艇，美商輪有損，遂決心參戰，二十餘年來，歷史又將重演。當羅輪沉水時，該輪旅客，有登小艇被救，又被空襲中機槍及海底魚雷轟擊。

美國封存德意資金

止戈無力且封金，正義誰知具苦心，二萬萬元非奪掠，一時留置是規箴。

美爲防止軸心侵略行動起見，已封存德國在美資金一萬萬一千三百萬元，意國資金八千二百萬元，至日本資金在後亦被封存。

德土成立友好條約

日耳曼與阿斯曼，各建新邦實舊邦，數十年間滄海變，不堪攜手話前王。



一九四一年六月，德因欲打消英土協定，乃與土訂立協約，而土國人士，均願仍與英友好聯盟，目前德軍已進土邊境，土甚懼德假道，此協約成立，已無假道可能，德之近東路線斷絕，故於英亦殊有利。

蘇日新訂協約

互不相侵恐失機，當年反共事全非，早知如此相親善，何用懷刀暗示威。

上次蘇日互結不侵協定，此次又訂蘇日商約，皆由松岡在德時得希特勒之主使。

英援華會發起紀念七七

四年苦戰抗強隣，英勇真堪泣鬼神，誰料英倫三島上，同情七七共華人。

其二

軸心民主各相誇，蔗境原期最後佳，他日成功編戰史，毋忘前哨是中華。



蔣總裁

一九四一年六月十九日，英援華會在該國內，發起「七七」紀念運動，謂我國保衛自由及國家生存之抗戰，已進第五年度，與我軍之英勇，在世界中實為特出，同時捐募巨款，贈與我國，對於蔣總裁尤致敬仰。可見英華友誼之一般。

德國突向蘇俄宣戰

天昏地黯失中和，樽俎相交腹劍多，畢竟圖窮來匕首，未須壯烈嘆荆軻。

一九四一年六月二十二日，德芬羅三國軍，自北冰洋及黑海兩路攻蘇，戰事已爆發，希氏自謂德之命運，在伊掌握，此次上帝亦臨協助，如此天昏地暗，驅使芬羅，供其驕武，背棄信義，以殘友好，亦可哀已。

希特勒譴責蘇俄

朝簽友約夕兵陳，國際何曾半點眞，惡果種來還自食，希公安用責俄人。

其二

芬羅初拊隱憂餘，希氏新提譴責書，若道蘇俄今背約，德邦信義又何如。

一九四一年六月二十二日，德總理希氏發文責蘇，謂蘇原與德訂約友好，不但未能履行規約，反與各國爲不_良於德之陰謀，且在德東境，陳兵百六十師，於國際同盟毫無真正信義，當一九三九年與英戰時，英軍摧毀德之局勢，又作反德宣傳

謂立、愛、拉、羅、芬、比及烏克蘭，均受威脅而捐屬云云，希氏惡果，自種自食，明於責人，暗於責己。

讀邱吉爾援蘇宣言

往日蘇俄態未明，近觀納粹更心驚。廿年疑懼今消失，兩害相權要取輕。

其二

西侵未已又東攻，一字歐洲意氣雄，民主國家生死戰，英蘇美利一團中。

一九四一年六月廿二日，德對蘇宣戰後，英相邱氏發表言論：德蘇原係友好，今乃出其不意，大舉攻擊，實違反國際信義，在二十五年前，余亦反蘇，今見納粹黨如此橫行，故對蘇之危機，不能漠視，凡我同盟，其以技術經濟，竭力援助之以遏止其西侵東佔，即欲一字歐洲之政策，此乃我民主國之公敵，吾英與美、蘇等，須一致團結，以與德爲生死戰。

英蘇合作抗德

養虎傷人已自嗟，今朝出柙史張牙，當年戰事如回憶，二十年前

本一家。

其二

慕尼黑事已堪傷，悔爲當時虎作倀，今日兩邦相合作，要從生死共存亡。



一九四一年六月二十四日，英相邱氏發表

福援蘇後，英代表赴莫斯科，會商軍事合作，蘇大使亦前訪英相艾登，命黑海艦隊出
煦海峽，英亦以軍事經濟援助，回憶二十年前英蘇本同一戰線，今乃養虎貽禍，張牙舞爪，擇人而食矣，尤其是英國，於一九三八年，在慕尼黑召集四強會議，縱容，以有今日。

蘇聯要求同盟國不得單獨媾和

六國攻秦反自亡，當時捭闔事堪傷，國交信義今尤少，不誤桃僵即李僵。

一九四一年六月廿七日，蘇因與德激戰，要求各同盟國簽訂條約，不得單獨對德

媾和，傳英美兩國，已允此要求，并以物資援助，美即由菲運軍需品至海參威。

德侵蘇聯之要因
足食方能再足兵，德邦前次看分明，者番毀約誠多憾，怎奈無方慰此情。

其二

烏克蘭中穀滿倉，高加索上盡油藏，攫金白晝人爭怪，誰信文明更學狂。

一九四一年六月二十三，據歐戰概論稱：德軍放棄英倫、轉戰東南歐，其主要因素，原以足食方可足兵，故前次攻英，運輸渡海，補給維艱，未奏凱功，乃幡然改爲和英攻蘇之政策，一則垂涎高加索之油田，與烏克蘭之穀倉，二則恐西攻英倫，而蘇即擊其背，服蘇可以無內顧之憂，其背盟狂暴，不啻白晝掠金之巨盜。

蘇聯抗戰情態

五年計劃兩經過，未雨綢繆早補蘿，百萬紅軍空戰健，於今不是舊時俄。

其二

清野全師撤退中，當年堅壁困拿翁，者番抗戰却前進，今古何會一樣同。

據歐戰概論稱：蘇聯常謂不欲捲入戰渦，然按一九三九年侵入波蘭，又迫愛、拉、立、芬締結和約，隨時準備襲擊，構築工事以大部紅軍防守，已非舊時氣概。

德蘇戰起日本苦悶

三國同盟共守攻，當年期猶北方熊，如何轉眼相親善，祇怪松岡太熱中。



列寧

德蘇戰事爆發，日本處境極爲狼狽，蓋日原與德意同盟，以爲守攻聯絡之勢，後又與蘇聯訂立不侵公約，今因德蘇交戰，致美英援蘇在大西洋取強硬行動，日在太平洋上，已成孤立矣。又外人嘗稱蘇俄爲北方之熊。

美禁汽油運日

上窮碧落下樓船，全恃機輪策向前，一旦美油停運日，海空今後

恐難先。

一九四一年六月二十日，美總統羅氏下令該國石油禁運出口，除輸至英國者應在例外，其他各國與日本者，均在禁例，蓋以石油，爲供給飛機與輪船之必需物，美既反對軸心國之侵略，故不助其需用，使其空軍海軍無所資藉也。

德意羅將承認偽汪政府

維琪政府佛郎哥，低首求人賤已多，若向吾華搜比例，汪黃南宋亦言和。

其二

果然不負舊家門，傀儡登場喜幸存，只恐白雲蒼狗變，夕陽雖好近黃昏。



墨索里尼

一九四一年七月一日，汪逆精衛組南京偽政府，搖尾乞憐於軸心國，近得德意羅承認，日本亦將聲明同意，羣知此舉，係汪赴東京之結果，追思昔日南宋汪伯彥、黃潛善溺於和議，卒至稱臣金國，受辱不淺。今汪逆據

首都，傀儡登場，恐爲日不多矣。

我國與德意絕交

窮兵構禍萬千家，惡必招災莫怨嗟，今日絕交無別事，爲防助桀亂中華。

其二

分贓夥刦久盟同，才了歐西又亞東，狗竊南京何足論，祇愁竟喚主人翁。

一九四一年七月二日，我國以德意既承認偽組織，乃將駐該兩國公使撤回，斷絕邦交，蓋以德意明知汪逆爲日軍閥所手創，助桀爲虐，今乃不顧友誼而承認，足見其侵略政策，出歐西而及遠東矣。

史丹林論德必敗

從古原無不敗軍，項王垓下墮高勳，拿翁流竄威廉逐，不戢由來必自焚。

其二

者番閃電戰無功，納粹行看落下風，從此再衰三更竭，榴花照眼

祇驚紅。



史丹林

一九四一年七月三日，蘇聯史丹林氏，對國人演說稱：德軍侵入吾土，陷吾於險境，然終必一敗塗地，不可收拾。今希氏之閃電戰，雖佔領西歐小國及法英與吾之一部領土，然遇堅強抵抗，行見納粹粉碎不容於世界。

英名流威爾斯之期望

目覩寰球過半人，者番劫後更相親，未來世界非無據，驗往知來要認真。

一九四一年七月三日，英名流威爾斯對我國人稱：中國將居將來世界之領導地位。中、蘇、美、英、印各國，占世界半數之人，今後組成世界之同盟，使和平人類，互相聯合親愛，天然不竭之資源，能獲保全與分配，此吾人之所希望者也。

德將以斐迪南爲帝俄傀儡

怪哉三國兩同盟，各得孤兒孺子嬰，枕上片時春夢裏，有誰真起

一九四一年七月四日，德國

戈

希特勒有以德廢皇太子之次
子斐迪南，爲帝俄傀儡說，

林

該氏曾在福特汽車廠工作，
無知孺子，亦如宣統，恐片
時富貴，正在春夢中耳。



德軍旬餘之死傷

九天何事動櫨槍，刦運難消實可傷，七十萬人旬日盡，於今誰不
怨魔王。

其二

當年俄帝困拿翁，百萬雄師一歲窮，今日傷亡如此數，可憐猿鵠
與沙蟲。

一九四一年七月上旬，德蘇激戰，自前月二十二日宣言起，旬餘之間，軍事猛進，致蘇勢嚴重，敦促國人全力捍衛，但德軍死傷亦夥，已達七十萬人，莫不埋怨廢王希氏矣。

希臘王將赴英整軍復國

今古興亡未易憑，少康一旅致中興，近看阿比西尼主，寶座居然又再升。

其二

高山爲谷谷爲陵，話到興亡總戰競，祇有不磨秦代月，隨時圓缺至今稱。

一九四一年七月七日，希王喬治應南非總督之請，攜皇子公主與屬官等赴非，將由非至英，與同盟國商討，擬擴充希軍及希前存海艦，與英地中海海軍合作，力圖整軍復國。

美宣布佔領冰島

天涯海角共相攻，誰障狂瀾竟向東，有意保持西半壁，不知深入廣寒宮。

其二

丹麥淪亡一日功，驚人閃電氣如虹，者番下局偏先着，免得他時
落下風。

一九四一年七月七日，美海軍佔領冰島，協助英軍，以阻止德佔大西洋上之前哨，爲海空軍之根據，而維持西半球之局勢，倘該地爲德佔，則大西洋北陸與格陵蘭均受其威脅，故捷足先得。

蘇俄請英夾擊德軍

楚南燕北不同塵，深悔當年長暴秦，此日德方西線弱，乘時合擊莫因循。

其二

漫言秦越不相關，搏虎功夫要共難，祇怕西來東又倒，仍然縱虎再離山。

一九四一年七月九日，蘇外長李維諾夫電英稱：今德受創，較前十倍，吾軍正在堅苦抵抗，請趁此西線空虛之際，全力夾攻，使希氏措手不及。

蘇德戰中之坦克車

革車千乘昔稱雄，不及於今一乘功，坦克竟能來萬輛，衝鋒何處不威風。

其二

重量加增力更充，十人奮擊一車中，湯壺舊事誰能記，二十餘年改進功。

坦克車發明之始，飾名湯壺，每車重量不過十噸，今蘇聯增至一百二十噸；而德國在東線一次出坦克車一萬輛，二十餘年來殺人利器之進步可想而知。

回國德人阻於東京

鴻飛萬里任西東，天變雲翻路不通，幸有同盟東道主，阮郎休事嘆途窮。

自德蘇突然開戰，德國人欲乘西北利亞鐵路返國者，皆阻於日本之東京。

蘇德初期大戰

綿延戰線三千里，發動雄兵數百師，海陸空中三面敵，春秋義戰幾人知。

其二

爭城以戰殺盈城，土昧河濱更可驚，聞道死傷人百萬，無方能解此時兵。

蘇聯與德國突然開戰，雙方調集軍隊共達三四百師之多，戰線長達二千哩之長，可謂空前大戰。

泰英兩國日進親善

戰氛今已遍天涯，國泰民安豈易誇，要省及時宜互助，遠親還比近隣佳。

其二

狂瀾無計障東流，多福原須在自求，誰是南天真砥柱，苦心獅島廿餘秋。

一九四一年七月十三日，泰軍代表訪馬來，在新加坡盛稱英泰邦交友善，並希望繼續訪印、緬，英亦同時增強遠東經濟，在泰設署辦事，故英泰關係日趨親密，從此及時互助，狂瀾可挽。

英蘇訂定聯合協定

大地風狂雨復狂，怕看桃李一同僵，何如合抱相支住，紅白花開

各自香。

其二

追憶拿翁古戰場，即今憑弔尚蒼茫，要能合力相呼應，定見元凶快下場。

一九四一年七月十三日，英蘇兩國昨簽訂協定，互相援助，絕不獨與德和，英空軍大舉攻炸，牽制德西線飛機不敢東調，蘇紅軍堅強抵抗，游擊敢死隊，潛伏擾亂、使德交通運輸困難，行見元凶一蹶，定繼拿破崙之往事也。今世稱紅白兩大帝國主義，紅者以蘇聯代表之，白者以英國代表之。

美艦集中太平洋

舉世紛爭各不安，太平洋上太平難，集中艦隊防侵暴，不學當年隔岸看。

一九四一年七月十六日，美主力集中太平洋，以巡邏隊調至大西洋，據稱集中之美海軍，計戰鬥艦十二，重巡艦十二，輕巡艦十四，航空母艦三，驅逐艦九二，潛水艇三一，其分散西岸及拿馬者，戰艦八，巡艦二〇，母艦五，驅艦六〇，潛艇二〇，均以夏威夷為中心，美之防備暴日侵略，不似昔年之隔岸觀火矣。

美舉行軍役登記

黃金世界美人心，難保平安不受侵，此日整軍經武意，綢繆好趁未天陰。

美國人民醉心黃金，當兵興味不甚濃厚，此次爲防備萬一，特舉行軍役登記，聞國人惕于世局艱危，登記者頗爲踴躍。

日本近衛三度組閣

三島蒼茫日色微，又看近衛掌黃扉，幾番組閣功何在，國事今成百衲衣。

一九四一年七月十八日，日內閣首相近衛新閣組成，該氏曾兩度辭閣，至此乃三度組閣矣，其就職聲稱，此後將以勇敢敏捷手段，實行基本政策，但日政正當內外煎迫之會，人民厭戰，軍閥專橫，政客投機，外交辣手之時，國事等於百衲衣之補綴爲難矣。

松岡被擯出閣

使節西徂不月回，日蘇協定笑顏開，誰知盟友多岐路，難再騎牆強下台。

同日，日閣近衛三度組成，僅將外相松岡擯出，該氏曾於本年四月十三日，訪問德意時，與蘇聯訂蘇日條約，後因蘇聯反對軸心，故松氏騎牆難立，不能不下台焉。

拉鐵摩爾來華

立賢從古是無方，抗建時艱更異常，世界和平須互助，楚材晉用又何妨。

其二

薦穢傳來自白宮，東西兩地意相同，看他此次來華意，不重歐西重遠東。

一九四一年六月廿八日，美總統羅氏注重遠東互助，特推舉拉鐵摩爾來華，任政治顧問，定七月八日起程。拉氏舊華日久，熟悉遠東情事，此次參加抗戰，必能竭其才智，必獲偉效。

日越聯防議定書簽字

諱言兼併說聯防，無限愴懷國再亡，祇恐美英難坐視，太平奪取太平洋。

日本之佔領越南已自越南海岸伯郎空軍根據地開始，政府宣佈同意將空軍根據地八處移交日方。八空軍根據地為土倫、伯郎、占化、坦桑赫蒂、西姆雷、伯靈等地所有日本軍事代表團團員皆已赴西貢。

艾登赫爾聲明關念泰國安全

南進工夫已有基，從茲繙泰兩境危，太平洋上關心切，風雨縱橫亂入時。

英外相艾登頓在下院內稱：倘有任何行動威脅泰國之獨立及領土完整，英國當引為莫大之事；尤以此舉足以危害新加坡之安全，故英國更為關切。又美之國務卿赫爾在招待記者席上談稱：日本對泰國之任何策劃，均為美國所關切。

蘇德兩月之戰況
德軍閃電戰如何，侵入蘇聯兩月多，兩面死傷三百萬，不能竟達莫斯科。

蘇德戰事已有兩月，納粹已在物資及心理方面遭受嚴重之頓挫，而對希特勒將來方針必有深切影響，殆無疑義，縱蘇聯抵抗力在此後數週內崩潰，但德國仍不能達成其最主要之目的，即在今年冬取得烏克蘭大量穀產，以為供給德各佔領區之

用。蘇聯集體農民因蘇軍堅強抵抗之故，雖能收穫大量農產，惟為免資敵用，所收穫者悉予破壞。又雙方死傷現已達三百萬人，可謂大劫矣。

羅邱會商世局

龍虎風雲際會難，同為世局策全安，太平洋浪兼天湧，莫再當年壁上觀。

美總統羅斯福已於八月四日下午在北大西洋船上與英相邱吉爾晤談，據英國及加拿大人士謂：兩氏會談地點，係在加拿大之新不倫瑞克；另一部人士稱：在紐芬蘭海外。

「八一三」四週年紀念


天下洶洶百不堪，橫流曾記北而南，四年苦戰懷淞滬，世難難忘八一三。

蔣委員長於「八一三」四週年紀念日發表告全國國民書，大意謂敵人九一八之突襲瀋陽，為其侵略中國之嚆矢；而八一三之猛犯淞滬，實為其侵略太平洋之發端，必須合力裁制此橫暴之狂寇，而後世界乃有真正之安甯。

全世界圖



中歐洲圖



最近十年世界大事記

案此次世界大戰，起於日本軍閥襲擊我國瀋陽，故特從一九三一年七月萬寶山慘案記起。

一九三一年

七月——我國發生萬寶山慘案。

八月——列國承認胡佛綏憲計劃。

九月——1.英國停止金本位。2.十八日日本軍閥在我國掀起東北事件。

一九三二年

一月——1.廿二日蘇聯公布第二屆五年計劃。2.廿八日日本軍隊攻我國淞滬。

二月——1.國際軍縮大會開會。2.六日蘇聯與拉脫維亞訂立互不侵犯條約。3.美國銀行風潮在密士根州爆發。4.美國史汀生發表不承認主義宣言。

三月——1.四日羅斯福總統就職。2.偽滿洲國成立。3.李頓調查團抵滬。

五月——1.愛爾蘭廢止對英効忠案。2.四日蘇聯與愛沙尼亞成立互不侵犯條約。3.上海停戰協定簽字。4.十五日日本首相犬養毅遇刺死。5.卅一日德國巴本內閣成立。

六月——1.列國會議於洛桑。2.美國頒布產業復興法。

七月——1. 洛桑賠款協定成立，旋歐洲債務國又互訂紳士協定。2. 德國總選舉結果國社黨為德國之第一大政黨。

十一月——1. 七月德國巴本內閣辭職。2. 國聯行政院將李頓報告書及中日全案移交十九國委員會。3. 波斯宣言取消英波石油公司之權利。

十二月——1. 二日德國施萊轍將軍受命組閣。2. 列國簽訂議定書承認德國軍備原則上的平等。3. 中蘇正式復交。

一九三三年

一月——1. 一日蘇聯第二屆五年計劃開始。2. 德國希特勒為內閣總理。3. 日軍進佔我國山海關。

二月——1. 國聯通過李頓報告書，日本退出國聯。2. 國聯否認偽國。
四月——美國放棄金本位。

五月——1. 一日英波新契約成立。2. 三十一日中日塘沽協定簽字。

六月——1. 十二日世界經濟會議在倫敦開會。2. 中國實行廢兩改元。

七月——1. 三日蘇聯與波蘭土耳其等國簽訂多邊不侵犯條約。2. 美國厲行藍鷹運動。
3. 十日四強公約簽字。4. 世界經濟會議於二十七日休會。

十月——十四日德國退出國聯及軍縮會議。

十一月——十六日美蘇復交。

一九三四年

一月——1. 德波互不侵犯條約於十六日成立。2. 德國總選舉結果，國社黨占議會之絕對多數。

二月——1. 九日巴爾幹四國公約成立。2. 二十九日中國新生活運動開始。

三月——1. 十八日義奧匈三國協定成立。2. 二十四日德國獨裁權付與法案通過國社黨獨裁政治開始。3. 日本與印度成立通商新協定。4. 淬儀稱帝。

四月——1. 菲律賓獨立案通過。2. 十七日日本發表不許列強染指中國宣言。

七月——二十五日因德國國社黨之策動，奧總理陶爾斐斯被刺死。

八月——1. 二日興登堡逝世。2. 十九日德國舉行總投票，希特勒被選為元首。

九月——1. 十二日波羅的海三國公約簽字。2. 十八日蘇聯加入國聯，為常任理事。

十月——九日法國外長巴爾都與南斯拉夫王在馬賽遇刺死。

十一月——英為印度制定憲法。

一九三五年

一月——1.英愛紳士協定成立。2.法義訂結羅馬協定。3.十五日薩爾經居民投票歸還德國。

二月——三日英法締結倫敦協定。

三月——1.十二日德國宣布成立空軍。2.十五日法國通過延長軍役至三年。3.十六日德國宣言重整軍備。4.二十三日蘇聯將中東路讓與偽滿洲國。5.二十五日法國通過造船案。

四月——十一日至十四日英法義三國舉行斯德萊柴會議。

五月——1.十一日日本內閣審議會成立。2.波蘭畢蘇斯基逝世。3.二十日英國通過空軍擴張案。4.十六日蘇法訂立互助協定。

六月——1.七日英國內閣改組，鮑爾溫任首相。2.十八日英德海軍協定成立。

十月——1.三日義阿戰爭發生，英義關係緊張。2.六日國聯六國委員會確認義為侵略國。3.十日國聯通過對義制裁。4.二十五日中國立法院通過憲法草案。

十一月——1.四日中國實行幣制改革。2.十三日埃及發生排英風潮。3.十五日菲律賓自治政府成立。

十二月——1.九日倫敦軍縮會議開會。2.十八日中國冀察政委會成立。3.二十九日日本

宣布廢棄華盛頓海約。

一九三六年

一月——1. 一日希特勒稱本年目標，在維護歐洲文化。2. 四日阿國請國聯調查意軍殘暴戰略。3. 十七日德宣傳部長戈培爾演說欲收回殖民地。4. 三十日法總理薩勞向國會宣讀政治宣言，謂英法必須合作。

二月——1. 三日國聯專家委員會研究對意禁油。2. 七日美國倡議召開汎美會議。3. 十五日意軍佔領安太洛。4. 二十日捷克警廳逮捕德人十五名，謂陰謀推翻政府。5. 二十六日日本東京兵變，首相岡田、內大臣齊藤殞命，侍從長官鈴木藏相高橋重傷，東京宣布戒嚴。

三月——1. 一日東京事變告一段落，叛將士兵分別拘禁。2. 七日希特勒通告廢止羅加諾條約，並且開兵入萊茵。3. 八日意答覆國聯接受和平建議。4. 十日羅加諾條約簽字國舉行巴黎會議，法主張對德提最後通牒。5. 十二日羅加諾公約簽字國在倫敦繼續開會，一致承認德國進兵萊茵為違約。同日德致牒英國、拒絕撤兵萊茵建議。6. 十五日意對德國表示保守中立。7. 十九日國聯行政院通過譴責德國。8. 二十日英法比意四國協定簽字。9. 二十一日英美法海軍條約

成立。10二十六日蘇軍在長嶺子附近發生衝突，開火達數小時。

四月——1.一日奧大利恢復徵兵期。2.七日小協約國聯合抗議奧徵兵制。3.八日蘇蒙成立軍事互助協定。4.三十日德與偽滿洲國在東京簽定商務協定。

五月——1.十月墨索里尼宣布兼併阿比西尼亞。2.二十六日奧國社黨鼓吹德奧合併。六月——1.二日奧總理許士尼格訪意。2.七日意相決保奧獨立。3.十日奧總理演說，誓為獨立奮鬥。4.十六日英決撤消對意制裁態度。5.二十七日德意航空協定簽字。

七月——1.五日意匈簽訂商業協定。2.八日但澤當局正式宣布與國聯脫離關係。3.十一日德奧成立協定，恢復親善關係。4.十八日西班牙發生兵變。5.二十八日英外相艾登宣布廢止地中海互助協定。6.西班牙內部大戰，政府軍失利。

八月——1.一日第十一屆世界運動會在柏林開幕。2.二十六日英埃條約在倫敦簽字。九月——1.四日世界和平大會在不魯捨爾開幕。同日，德與南斯拉夫簽訂航空協定。2.十日中國兩廣事變告平。3.德國社黨大會閉幕，希特勒宣言願與國聯攜手，但永不許共產主義抬头。

十月——1.十九日英外長訪德。2.二十四日德承認意併阿比西尼亞。3.二十五日意外

長返國，謂意德決通力合作反蘇，並擁護西班牙叛軍。4.二十九日羅馬尼亞與捷克決定與德意合作。

十二月——1.七日英意商約簽字。2.奧匈承認意併阿比西尼亞。3.十四日德政府通告收回內河航權。4.十九日意德承認西班牙叛軍政府。5.二十五日德日反共協定簽字。6.二十八日意日協定成立。

十二月——十二日中國 蔣委員長在西安蒙難。二十六日出險。

一九三七年

一月——1.英意地中海君子協定簽字。2.二十七日德奧成立經濟協定。

二月——十九日西班牙叛軍加入德日反共協定。

三月——1.德國駐英大使里賓特洛甫演說，要求恢復殖民地。2.二十六日意南兩國簽訂經濟協定。

四月——二十四日英法宣言承認比利時解除羅加諾義務。

五月——日蘇邊界發生衝突。

六月——1.二十日西班牙叛軍攻陷比爾波。2.三十日日僑軍擊沉蘇砲艦，日蘇關係嚴重。

七月——1.一日蘇日衝突事件雙方互提抗議。2.七日日本軍隊進攻中國蘆溝橋，中日戰事爆發。3.十日法德商約簽字。4.十二日中美貨幣協定簽字。5.英德法蘇海軍協定簽字。6.二十三日意日成立經濟新協定。

八月——1.四日中英二千萬磅借款成立。同日，美蘇締結新商約。2.中法成立金融協定。3.十三日中日在滬開戰。4.二十九日中蘇成立互不侵犯條約。

九月——1.十四日尼翁協定簽字。2.二十五日希墨會晤。

十月——1.二十三日美總統羅斯福演說呼籲和平。2.二十七日我軍退出上海。

十一月——1.二十五日德意日成立反共協定。2.二十七日德航空部長戈林演說，重申殖民地要求。

十二月——十三日我國南京失陷。

一九三八年

一月——十一日意奧匈成立新協定。

二月——1.四日德國發生政變，國務部長白倫堡陸軍總司令弗里茲去職，希特勒總領陸海空軍。2.十五日奧許士尼格內閣於希特勒壓迫下改組成立，內務部長由國社黨員段嘉德擔任。3.二十日德承認偽「滿洲國」。英外相艾登辭職。

三月——1.一日希土締結友好條約。2.五日捷克總理向德警告，如德侵捷，必以武力周旋。3.十二日德軍開入奧境。4.二十二日捷克農民黨與蘇台德黨合併成功，蘇台德黨勢力大盛。

四月——1.一日英美法三國正式宣布廢止造艦制。2.七日台兒莊附近我軍空前大捷。3.十一日英意協定成立。4.十二日埃及軍事協定成立。5.十九日捷克承認意併阿。

五月——1.一日英法成立防守同盟。2.四日希特勒抵羅馬，與墨索里尼會談。3.十三日捷克蘇台德領袖漢倫抵英，商討捷克問題。4.十四日英墨斷絕邦交。5.十九日我國空軍首次東征。6.三十一日捷斯洛伐克少數民族要求自治。

六月——1.六日法國比省被不知國籍的飛機偷襲。2.十一日捷克學生遊行示威，保衛祖國自由。3.十九日蘇聯增兵僞滿邊境。4.二十四日蘇僞邊境緊張，日軍紛紛北上。5.二十六日蘇外長李維諾夫痛斥日本胆大妄爲。

七月——1.法土成立友好條約。2.二日英德成立經濟清算協定。3.五日法軍在西沙羣島登陸。4.九日日軍積極經營東沙羣島。5.二十三日國際反侵略有在巴黎開反轟炸會。6.三十日蘇僞邊境日軍強佔張鼓峰。7.三十一日保加利亞與巴爾

幹四國成立互不侵犯條約。

八月——1.一日蘇機出動轟炸張鼓峰日軍。2.三日法德簽訂經濟協定。3.蘇日戰事益激，蘇機百餘架轟炸日軍陣地。4.十一日蘇日成立協定。5.十五日德軍大操在柏林開始。

九月——1.二日捷蘇台黨領袖漢倫訪德，與希特勒會談捷克問題。2.十五日張伯倫訪希特勒商討歐局。3.二十二日捷克被迫屈服，霍德柴內閣辭職。4.二十三日捷克辟拉維將軍組織軍人內閣。5.二十九日希特勒招英法意會議。6.三十日慕尼黑四強成立協定。

十月——1.二日德法成立諒解。2.十日德併吞蘇台黨區。3.二十一日我軍放棄廣州。
4.二十五日我軍退出武漢。

十一月——1.二日捷匈在維也納成立劃界協定，捷被迫割土。2.六日日本廢棄九國公約。3.十日凱末爾逝世。4.十七日英美，美加商約簽字。5.二十一日德意簽定文化協定。6.二十六日蘇波成立友好協定。

十二月——1.七日法德簽定非戰宣言。2.二十二日意廢止一九三五年之法意協定。3.十六日中美信用借款二千五百萬元成功。4.二十九日汪精衛附逆。

一九三九年

一月——1. 四日日本近衛內閣總辭職，平沼組閣。2. 二十六日西班牙叛軍攻陷巴薩龍納。

3. 三十一日希特勒演說：決意助意國作戰。

二月——1. 十日敵軍佔領海南島。2. 十五日蘇僑交界齊拉嶺發生衝突。

三月——1. 八日中英成立五百萬磅借款。2. 十四日斯洛伐克宣佈獨立。3. 十六日希特勒與捷總統哈台會談後，捷克變爲德保護國，德軍入捷境。4. 二十二日法波商約簽字。德立簽訂互不侵犯條約。5. 二十三日捷斯協定成立。6. 二十八日西叛軍攻入馬德里。

四月——1. 七日英波協定成立。2. 西班牙佛郎哥政府加入反共同盟。3. 八日意佔領阿爾巴尼亞。

五月——1. 六日爲保障地中海東部，英土成立協定。2. 十一日英、法、土保證公約成立。3. 二十二日德意簽訂軍事政治同盟。

六月——1. 二日談判已久之英法蘇協定已陷僵局。2. 十六日中蘇簽定通商條約。4. 二十二日中法一百五十萬磅借款成立。

七月——1. 九日蒙「滿」邊境又起戰爭。2. 十三日德商務代表團赴蘇。3. 二十四日法

已將桑岬克區完全歸還與土。4.二十五日英日簽訂初步協定。5.二十六日美

宣布廢棄「美日商約」。6.二十日德日簽訂商約。

八月——1.十二日英法蘇舉行軍事會談。2.十四日德與斯洛伐克簽訂軍事協定。3.十

九日德蘇簽訂商務協約。4.二十三日德蘇互不侵犯條約簽字。5.二十六日莫

斯科談話停止，英法代表團歸國。6.二十七日英波協定簽字。

九月——1.一日德軍攻入波蘭。2.三日英法對德宣戰。同日，英國成立戰時內閣。3.

十三日法國成立戰時內閣。4.十七日蘇軍開入波蘭。5.二十七日華沙陷落。

6.二十八日蘇德成立劃界修好協定。同日，蘇聯與愛沙尼亞成立互助公約。

7.三十日齊亞諾赴德舉行德意會談。

十月——1.波蘭在法建立新政府。2.五日蘇聯與拉脫維亞成立互助公約。3.六日希特

勒宣布和平條件。4.十日蘇聯與立陶宛成立互助公約。5.十九日英法土成立

互助協定。6.三十日蘇外長演說，重申德蘇友誼。

十一月——1.一日蘇最高會議通過波蘭烏克蘭區併入蘇聯。2.四日美總統羅斯福批准已

修正之中立法案，此後英法可以現購自運之辦法，向美購買軍火。3.七日荷

比發出和平呼籲。4.八日希特勒在慕尼黑之岬酒店演說，發生炸彈案。5.十

五日德拒絕荷比之和平建議，墨索里尼演說武裝和平。蘇芬談判決裂。6.二十八日蘇聯宣布廢止蘇芬互不侵犯條約。7.二十九日蘇芬外交關係斷絕。8.

三十日蘇軍侵入芬蘭。

三月——1.一日芬蘭成立「人民政府」。2.二日蘇聯與芬蘭之「人民政府」簽訂互助

協定。3.十二日國聯限蘇於二十四小時內休戰，遭蘇拒絕。4.十三日英德發生猛烈海戰，德艦「史比上將」號逃入烏拉圭。5.十四日國聯通過開除蘇聯會籍。6.十七日德艦「史比上將」號在烏拉圭港口自動炸沉。7.二十四日羅馬教皇呼籲和平。8.二十九日羅斯福響應和平運動。

一九四〇年

一月——1.三日羅斯福發表演說，稱決不參戰。2.二十日教皇函美總統羅斯福贊助和平。英海相邱吉爾勸中立國對德作戰。3.希特勒演說，稱決繼續作戰。

二月——1.九日美國務卿正式宣稱將與中立國進行和平談判。美總統羅斯福宣佈派韋爾斯赴歐訪問。2.十七日韋爾斯離美赴歐。3.二十四日張伯倫重申聯軍和平條件。4.韋爾斯抵羅馬，德意成立經濟協定。

三月——1.一日韋爾斯抵柏林。2.二日希特勒接見韋爾斯作長談。3.三日英禁止德煤

外運，扣留運煤意輪。4.七日韋爾斯抵巴黎。蘇芬開始和平談判。5.九日德外長抵羅馬。6.十日韋爾斯抵倫敦。7.十二日蘇芬停戰協定簽字。8.十三日蘇軍開入維堡。9.十四日韋爾斯再度訪意。10.十八日希墨在白利納隘口會晤。韋爾斯謁見教皇。11十九日韋爾斯離羅馬返美。12法國內閣改組，萊諾繼任總理。13二十一日義匈進行會議。14三十日英海相邱吉爾廣播加緊對德封鎖，與蘇聯和平共處。

四月——1.三日，英閣局部改組，海相邱吉爾兼任海陸空軍委員會主席。2.九日德軍侵入挪威、丹麥，兩國京城被佔領。3.十五日英軍在挪威登陸。4.十八日英法波發表聯合宣言，斥德違犯國際法。5.二十二日英法聲明對地中海立場，不許變更現狀。

五月——1.二日，挪威中南部聯軍撤退。2.十日德軍侵入荷、比、盧，英內閣改組，邱吉爾任首相兼國防部長。3.十三日荷女皇威廉明娜奔英，荷政府遷倫敦。4.十四日德軍開始向法總攻，荷蘭投降。5.十六日美總統致意呼籲和平牒文。6.十七日比京布魯塞爾陷落。7.十八日美洲二十一國對德侵荷比提出抗議。墨索里尼含糊答覆美總統之和平牒文。法內閣局部改組，國防部長由雷諾

兼任，達拉第任外長。8.十九日法總理任命魏剛代甘末林爲聯軍統帥。9.二十二日邱吉爾飛法與萊諾、魏剛會商戰局。10二十六日萊諾飛倫敦，與邱吉爾會談防務。11比王降德。

六月——四日德軍佔領丹刻克。2.法內閣改組，達拉第去職外長由總理萊諾兼任。3.北部挪軍投降。聯軍退出那維克。墨索里尼宣布十一日起意大利參戰。4.美宣布中立法對意適用英、法及加拿大，紐芬蘭對意宣戰。5.十四日德軍入巴黎。6.十五日德軍佔領凡爾登要塞。7.十七日法內閣改組，貝當爲總理，宣布對德停戰，向德求和。8.十八日希墨會談於慕尼黑。9.二十一日希特勒接見法代表，談判停戰條件。10二十二日德法停戰協定在岡比恩簽字。11三日法代表抵羅馬。12二十四日法意停戰協定簽字。13德意下令對法停戰。
14二十七日蘇向羅馬尼亞要求歸還比薩拉比亞及布科維拉兩地。15二十八日羅接收要求，蘇軍開入要求區域。

七月——1.一日德軍在英倫海峽之傑塞及根塞島登陸。2.三日英海軍進襲非潤奧蘭港之法艦隊。3.六日英法成立協定，規定亞歷山大港內法艦無期停靠港內。4.十日希特勒與里賓特洛甫在慕尼黑接見意外長及匈總理，分別會談。法國民、

大會授權貝當制定新憲法。5.十三日法新閣改組，貝當賴伐爾任正副總理，魏剛任國防部長。6.十九日希特勒演說，誘英屈服。7.二十一日立、拉、愛三國加入蘇維埃聯邦。8.二十二日英外相廣瀬拒絕希特勒之和平建議。9.二十六日羅總理外長應邀赴德與希特勒會談。10.二十七日希特勒接見匈總理及外長，墨索里尼分別接見羅保兩國總理外長。11.二十八日希特勒接見斯洛伐克總統及保加利亞總理、外長。12.二十九日西葡簽訂敦睦邦交及互不侵犯條約。

八月——
1.三日立陶宛正式加入蘇聯。2.五日英波締結軍事協定。拉脫維亞正式加入蘇聯。3.七日愛沙尼亞加入蘇聯。4.十六日德機二千架襲莫倫敦。二十一日蘇反對黨領袖托洛斯基在墨被比籍隨從所刺，次日斃命。7.三十日羅割外西里瓦尼亞五百方公里予匈，此係維也納會議決定。

九月——
1.二日英美成立海軍交換協定。2.四日法達拉第、曼吉爾、甘末林被捕。3.六日羅王加洛爾退位。4.七日羅保協定簽字，羅割南多布魯查予保。5.十一日羅國布哥維拉省與北薩拉比亞南區割予蘇。6.二十三日法日簽訂協定，日軍開入越南。7.二十七日德意日簽訂軍事同盟。

十月——1.七日德軍開入羅馬尼亞。2.二十八日意軍大舉攻希，英援軍登陸。3.三十日德經濟代表團抵莫斯科。4.貝當正式通告法決定與意德合作。

十一月——1.六日希軍連日大捷，攻入阿境。2.七日羅斯福競選勝利。3.九日張伯倫逝世。次日墨德門逝世。4.十三日英機猛攻大蘭多港之義艦隊。5.二十三日德羅成立公約，羅馬尼亞加入軸心。6.二十四日日本元老西園寺逝世。

十二月——1.二日美國對華信用貸款一萬萬美元案通過。2.十日英國對華貸款一千萬磅。3.十二日羅匈友好條約簽字。4.十九日德軍開入意境。5.二十一日德援軍入日。6.二十三日泰日簽訂友好條約。7.二十四日戴高樂發起「無言抗戰」運動。

一九四一年

一月——1.九日泰日兩軍大戰。2.十日蘇德成立經濟協定與勘界協定。3.二十二日美對蘇撤消道義禁運。

二月——1.五日羅斯福代表居里來華。2.八日祕智簽訂互不侵犯條約。同日英艦隊砲轟熱那亞，砲彈達三百噸。越泰日代表團在東京談話，泰越停戰。3.十七日土保締結互不侵約。

三月——1.一日保加利亞加入軸心。德軍開入保境。2.四日蘇聯照會保國，對德軍入保未能贊同。3.九日日外相松岡啓程赴德意。4.十一日泰越協定簽字。5.二

十五日南斯拉夫加入軸心。6.二十七日南國發生政變。

四月——1.二日匈總理自殺。2.蘇南訂立互不侵約。3.七日德軍侵入南希。4.十三日

蘇日簽訂中立條約。5.十六日德軍陷塞拉熱窩，南停止抵抗。6.十八日希總理柯利茲自殺。7.二十四日中美中英平準基金協定簽字。8.二十七日德軍入雅典。

五月——1.一日英軍在伊拉克登陸，發生戰事。2.十二日德國社黨副領袖出奔抵英。

3.二十日德降落傘部隊降落希臘克里特島。4.二十六日伊政府改組。5.二十九日意軍在克里特島登陸。6.三十一日我國郭泰祺與美國赫爾交換文件，赫爾保證於戰後放棄在華治外法權。

六月——1.一日英伊停戰協定簽字。2.二日英軍退出克島。3.四日威廉第二逝世。4.

八日英軍入敘利亞，英敘戰事爆發。5.十日美輪「羅賓特爾」號在南太平洋被德潛艇擊沉。6.十一日巴達維亞談判決裂，日代表團撤退。7.十四日美封存德意資金。8.十五日美沒收德意商輪。9.美封閉德領館及其他德方機關。

10 十八日中英滇緬劃界換文簽字。德土簽訂友好條約。11 德要求撤退德國及
德佔領區內之美領館。12 二十二日德向蘇聯宣戰，芬蘭同時進兵。13 二十四
日美國解封蘇聯資金。14 二十五日美宣告對蘇不用中立法。

七月—— 1. 一日德意承認「汪政府」，我撤回駐德意使節。2. 二日我對德意斷絕邦交
。3. 七日美軍佔領冰島。3. 十二日英蘇簽訂協定，互相援助，決不單獨議和
。同日英法簽訂停戰協定。敘境戰事終止。4. 十六日日本近衛內閣總辭職。
5. 十八日近衛組成新閣，外相松岡去職。6. 二十三日軍六路開入越南。7.
二十五日美封存日本資金。8. 二十七日美成立遠東軍總部。9. 二十八日荷印
廢止油類供給日本協定。10. 二十九日日越聯防議定書在維琪簽字。11. 三十日
羅斯福私人代表賀甫金斯抵莫斯科。12. 三十一日蘇波成立協定，恢復外交關係。

八月—— 1. 一日蘇波恢復外交關係。2. 三日美禁油輸日。3. 六日艾登、赫爾同時聲明

，關懷泰國安全。4. 八日英美訓令越僑民撤退。美護航隊繞開冰島。5. 十二
日德軍猛攻烏克蘭，蘇軍後退，但實力仍舊。6. 十二日英美正式警告日本，
勿涉足泰國。同日，法元首貝當表示與德併肩作戰，對抗蘇聯。7. 十三日

蔣委員長發表告國民書，勉全國國民，加倍努力。8.十四日本不羈部大臣平沼遇刺。同日，羅邱發表聯合宣言。9.十五日俄列寧格勒三面激戰。10.七日我國響應羅邱宣言。

羅邱宣言中議定之八項：

- 附錄
-
- (一) 不自行擴張勢力範圍。
 - (二) 不作領土之改變。
 - (三) 尊重各國人民自由，決定其政府形式之權利。
 - (四) 力使世界各國均得貿易自由。
 - (五) 希望促成世界各國在經濟方面之合作。
 - (六) 在澈底推翻納粹暴政之後，希望重建世界和平；俾各國人民均能在其本國範圍內安居樂業。
 - (七) 在此種和平狀況下各國均可在其海上自由來往。
 - (八) 世界各國必須放棄武力之使用及一致解除武裝。

2782

中華民國三十年八月出版

第一次世界大戰紀事詩

(全一冊) 定價壹元四角

著者方克

發行者妙高峯中學校

經理處安化藍田南軒圖書館

版權所有
必究



印刷者長沙公益印刷公司
安化藍田雙江路
各地商務印書館
藍田公益印刷公司
代售處

82



8.19
7